


程



第五函四冊

潘立賢錄

沈蕉雨校

天下郡國利病書

卷六十五至六十七

計百三頁

自成都府錦官驛由府屬之新都軍站廣漢驛北由潼
川州境古店軍站五城驛建寧軍站皇華驛秋林軍站
雲谿驛庶寧府境富村軍站柳邊驛龍山軍站錦屏水
馬驛槐樹軍站施店軍站柏林軍站柏林連運所龍潭
軍站問津水馬驛沙河軍站神宣軍站神宣連運所抵
陝西寧羗州境為北路自廣漢驛西北由城都府境金
山驛西平驛武平驛小溪驛溪子驛水進驛小河驛三
舍驛抵松潘衛為北路由成都府境唐安驛邛州境白
鶴驛雅州境百又驛雅安驛新店驛箐口驛黎州境沉
黎驛越雋衛境河南驛鎮西驛利濟驛龍泉驛瀘沽驛

連昌衛境溪龍驛瀘川驛阿用驛綠為驛會川衛境已
松驛大龍驛會川驛腰驛熬溪驛抵雲南武定府北界
為西南路由府蜀之龍泉驛陽安驛南津驛珠江驛安
仁驛歛州府屬之龍橋驛重慶府界峯高驛東臯驛來
鳳驛白市驛朝天驛渡江由百節驛百渡驛東溪驛安
穩驛播州境松次驛桐梓驛播川驛永安驛相川驛仁
水驛涓潭驛熬溪驛岑黃驛白泥驛抵湖廣偏橋界又
自湘川驛西南昌曰驛沙溪驛黃平驛抵貴州之興隆
衛界為東南路由成都府境永康驛太平驛寒水驛安
遠驛護林驛抵茂州自茂州折而西北由長寧驛來遠

驛歸化驛鎮平驛古松驛亦抵松潘衛為西路又自錦
官驛遞運所水路由成都府屬廣記驛木馬驛龍爪驛
眉州境武陽驛眉州驛石佛驛青神驛封門驛嘉定州
境平羌驛凌雲驛嘉定州遞運所三聖驛沉屏驛丁壩
驛叙州府境月波驛宣化驛真溪驛牛口驛沉川驛叙
州府遞運所李莊驛龍勝驛瀘州境江安驛莖坩驛納
溪驛瀘州遞運所瀘川驛童艤驛神山驛牛腦驛史洪
驛重慶府境漢東驛石門驛石羊驛焚溪驛銅罐驛魚
洞驛朝天驛重慶遞運所未洞驛龍溪驛開市驛涪陵
驛東青驛鄧陵驛花陵縣雲根驛忠州遞運所漕溪驛

夔州府境滾途驛集賢驛萬縣遞運所巴陽驛五峰驛
南沱驛永寧驛夔州遞運所高塘驛抵湖廣已東界為
東路又自陝西漢中府南界水路由九井朝天朝問津
驛龍灘驛虎跳驛蒼溪驛盤龍驛順慶府境龍溪驛平
灘驛嘉陵驛宣慶府境太平驛合陽縣上沱驛至重慶
府入大江為北水路又自叙州府水路由馬湖府境羅
東溪泥溪驛入東川軍民府自瀘州境納溪驛納溪遞
運所渠堪水驛大洲水驛峽口水驛入永寧宣撫司為
南水路又由永寧永安驛永寧驛永寧遞運所普市驛
摩泥驛赤水驛阿永驛烏撒府境層臺驛周泥驛瓦甸

驛里張驛普德歸縣抵貴州北界為陸路

松潘 威安 安綿

松疊威茂皆自羗居之自漢以來叛服靡定 國朝洪
武十一年御史大夫平羗將軍丁王克服其地設松州
潘州茂州三衛疊溪威州二千戶所洪武二十年併松
潘二衛為松潘衛里民指揮使司宣德四年調成都前
衛後所為小河千戶所增置城堡添調成都利 等衛
所官軍更番戍守先年兵備提督皆侍郎都御史成化
初改設按察使副使總理松茂兵糧後因南路梗塞茂
松不相通又龍州相分遼遠分設松潘威茂安綿道兵

備又設鎮守總兵官以侯伯都督充之掛平蠻將軍印
成化初改分守副總兵協守左右將軍南路東路二遊
擊將軍俱以都指揮充之正德五年添設石泉壩底守
備以都指揮體統行事又相潘臆臘地方相隔六十餘
里皆有隘口可通北虜嘉靖十一年虜賊深入為害巡
撫都御史宋滄議於臆臘後山嶺建靖虜墩西小高嶺
建禦寇墩設戍守之嘉靖二十年巡撫右僉都御史劉
大謨巡按御史王珩奏設守備指揮亦與都指揮體統
行事增官軍二千員各修築邊牆一萬三千五百三十
又深挖坎阱二千五百六十四口及於大壩連立一堡

西山平壩更修一墩以防虜騎侵擾之患有四州三近
臆臘今阿失寨即上潘州班班簇則下潘州二州之間
則潘州去松不二三中日故城遺址尚在惟松州今為衛
城軍屯堡與臆臘諸番犬牙相參原隰之利頗豐雖
無屬禁然亦不相侵奪自松達茂不三百里路循河岸
夷碣棋布山岩視之如蜂房保縣有堡過模索橋則古
維烟故城三面臨江殊陡險蓋董卜韓胡宣慰司與雜
谷安撫司交界處城與李德裕籌邊樓遺址尚存舊碑
景泰間為叛夷王永所毀州址今為雜谷碣寨迤北則
古無憂城然皆各存實亡不復為我有也大抵松疊皆

夷茂漢夷相半然皆置衛所備守不廢者蓋松疊所以
阨塞吐蕃疊則松茂脉絡昔人謂吐蕃入寇必自黎文
南詔入寇必自沉黎吐蕃南詔合入寇必於淮口灌口
夫守則長驅於蜀然則三城邊藩離灌口疊茂喉襟威
茂灌口障蔽峨山全蜀巨屏實天設險以限華夷也
松潘則副總兵一員駐劄松潘衛遊擊將軍一員駐劄
小河千戶所左叅將一員駐劄龍安府遊擊將軍一員
駐劄臆臘屯堡把守指揮五員分督關堡自松潘來
望山關雪攔關風洞關松林堡紅崖關三舍堡鎮遠堡
小關子堡松子堡三路堡師家堡四望堡抵小河千戶

所蜂崖堡華唐堡馬營堡水進堡鎮夷堡鐵龍堡抵龍
州宣撫司又自松潘以南紅花屯堡熊族屯堡西寧關
山屯堡安化關鎮草堡新塘關艾蒿堡歸化關北定堡
蒲江關平夷堡金瓶堡鎮平堡鎮蕃堡靖夷堡平定堡
抵疊溪界又自松潘以北穀粟屯堡高屯子堡坐裕屯
堡唐舍屯堡譚廊屯堡臆臘也堡抵吐蕃洮河界以上
關堡并墩臺共八十七處戎守主客官軍舍餘遊兵共
一萬一千六百八十四員名每歲額堂松潘等一十一
倉糧米共九萬九千三百八十石有奇按松潘乃西蜀
之重鎮諸番之要區東連龍安南接威戎北抵胡盧西

盡吐蕃西北又與洮岷連壤鎮城衙門關堡之外四面皆蕃然經畧者謂蜀之各鎮惟松潘純乎邊者也萬厯六年兵備副使楊一桂以人荒沒舌去骨等寨畚民皆來侵擾陳十款一曰鷗除惡寨二曰充實行伍三曰議處充發四曰揀撥戍守五曰革去遊兵六曰定委要害七曰聯絡墩堡八曰設立草場九曰招復逃亡十曰年終獎戒呈允施行切中邊務

茂疊則有叅將一員駐劄茂州州有茂州衛遊擊將軍一員駐劄疊溪千戶所各路把守指揮五員分督關堡自茂州以北鎮戎堡椒園堡長安堡韓胡堡松溪堡長

寧堡穆肅堡實大關新堡馬路堡小關子抵疊溪千戶所北行至漢關墩新橋堡普安堡太平堡永鎮堡抵松番界又自茂州小東路上地嶺堡鎮夷堡關子堡神溪堡土門堡挑平堡抵安綿界又自茂州南路遷橋堡黎蘭頭白水墩益盛頭獨脚門樓瞰遠墩四碩墩羊毛坪立星墩文鎮撫材人宗渠石鼓村七星關雁門堡青坡堡抵威州州有千戶所至坎川堡徹底圍抵灌縣界又至威州西路則保子關坡底堡壩州堡乾溪堡鎮夷關新安堡抵保縣保縣堡四圍皆番境以上關堡并墩臺共一百二十處戍守主客官軍兵快羗番共一萬四千

開丁開國林苑書 卷之五 五
二百五十二員名額坐廣備等二十四倉糧米一十萬
三千九百一十七石有奇

安綿則守備指揮二員以都指揮體統行事一駐劄石
泉縣一駐劄平蕃堡把守指揮四員分督關堡所屬各
路曲山關擂鼓坪堡後在堡香溪堡疊溪堡西溪堡靈
鷲堡睢水關視曹堡綿堰堡馬尾堡白水堡龍構堡三
汧堡觀予堡徐坪堡平通堡大方關大印堡茅堆堡山
茅堡捺塘堡壩底堡石坡關石泉堡白印堡青岡堡石
泉城上雄關平蕃堡奠酒亞堡赤土坪堡共二十五處
戍守官軍兵快共六千四百五十二員名額坐大印等

倉糧米共三萬一千一百一十八石有奇嘉靖二十三
年遊擊周庚安殺討賞番人著兒柘等二十四年白草
弄一十八寨番蠻聚衆於羊角白泥一帶劫掠攻克平
番奠酒二關截占漩平以阻石泉兵糧之路巡撫都御
史張時徽督同副總兵何卿調集官兵勦平之

王廷相嚴茶議

蜀中有至細之物所寓莫大之用君子不可以輕視之者茶是也五穀饗殮非不美也食牛羊乳酪者則不以為急布帛帷帳非不麗也御穹廬羶裘者則不以為重茶^茶之為物西戎吐蕃古今皆仰給之以其腥肉之食非茶不消青稞之熟非茶不解故不能不賴於此是則山林草木之葉而關係國家政理之大經國君子固不可不以為重而議處之也蜀茶自唐主播始榷稅以利國宋初則買茶於秦鳳熙河等路博馬又置茶場於成都買茶貿易取息以為熙河博馬之費建炎以後罷成都

茶場設買馬二務一在成都買川馬一在興元買秦馬
元權成都茶於京兆鞏昌治局發賣惟取其利我朝洪
武中川陝皆置茶馬司收已茶易馬頗獲其利至成化
中議者以馬之用急於三邊而川馬遠不可至茶之利
分於用蜀而洮河所利則微故川中茶馬停止而獨行
於河州是以川茶惟嚴禁約而諸番無以仰給矣近年
以來法弛人玩雖有禁茶之名而無禁茶之實商賈滿
於關隘而茶船遍於江河權要之人每私主之以圖利
通者巡按盧公稍一盤詰即得數十餘萬則其平日可
知也夫茶可以利朝廷也今利歸私門矣可制諸蕃

之命也今仰望於商人矣以中國御番之大權而倒持
以授之於商賈不惟自失其利國之具而反害之矣為
今之計莫要於嚴私茶之禁絕商賈之販使茶利之權
在官則諸番可以坐制何也茶者番人之所以欲得者
也私茶不行番人仰於官矣以茶易馬雖不可遽復而
使之輸青稞以服役獨不可乎或者曰青稞之輸彼之
舊寶也茶則我之實利也彼來貢之我以是賞之不幾
於相易乎彼之利於我者微而我之共其利者大不幾
於失倫乎吁是皆以小利言之不知彼輸於我義也我
賞於彼德也我因以行其羈縻之道彼亦以為職分之

天下郡國志卷之五
當久之邊防可以寧謐而我兵亦無調度之費戰伐之
苦以此較彼所得孰大小哉夫番仰茶於官權在國也
邊鄙因之無虞利在民也一禁茶之間使權歸於國而
利及其民較之縱禁通同使利歸私室而害及於邊者
所得又孰多寡哉

蜀都雜抄

岷嶠潛沱之義難解今蜀山連綿延亘凡居左者皆曰
岷右者皆曰嶠凡水出於岷者皆曰江出於嶠者皆曰
漢江別流而復合者皆曰沱漢別流而復合者皆曰潛
恐屬方言耳故岷謂之汶今汶川是也漢謂之漾或謂
之沔或謂之羗今沿漢水而東有寧羗州有沔縣又東
有洋縣即古洋州也洋洋聲相近豈皆得名於漢水乎

按華陽國志云漢有二源東源出武都氐道漾山因名
漾禹貢流漾為漢是也西源出隴西嶠冢山會白水經

葭胡入漢始源曰沔故曰漢沔

成都學宮前綽楔題曰神禹鄉邦予始至視學見而疑之昔堯舜禹嗣興冀為中州河南之間聲教暨焉而輿地尚未拓也後千餘年而周始有江漢之化至秦威強蜀始通焉彼所謂蚕叢魚鼈靈望帝者 文物未備且在衰周之世蜀之先可知也禹都在今之安邑鯨實四嶽封為崇伯崇今之鄆縣其地遼絕何得禹生於此乎新志亦以此為疑問之人士皆曰禹生於汶州之石紐村禹穴在焉檢舊志稱唐元和志廣柔縣有石紐村禹所生也以六月六日為降誕云是蓋幾於巫覡之談至

宋紀有功作禹廟碑始大書曰崇伯得有萃氏女治水行天下而禹生於此其言頗為無據有萃氏於鯨亦不

經見按萃今之陳留 崇 鯨 娶 安當或有之鯨為諸侯

厥有封守九載弗續續多在河北今諸處之鯨城是已安得治水天下乎又安得以室家自隨荒裔之地如石紐者乎予蓋疑之雖有功亦曰稽諸人事理或宜然蓋疑詞也此必承元和志之誤而後說益紛紛矣此雖於事無損益而蜀故不可以不辨按楊雄蜀都賦止云大禹治其江左思三都所賦人物竒若相如君平文若王褒楊雄怪若長弘杜宇僭若公孫劉璋皆列獨不及禹

天下郡國志 卷之五 四川

生耶至宋三騰不平左詞作賦致辨頗極 鋒亦云岷
 山導江亦經營於禹蹟其後云鯨為父而禹子此槩入
 倫之辨爾言不言禹所生也又按華陽國志載禹治水
 命巴蜀以屬梁州禹娶於塗山辛壬癸甲而去生子啟
 呱呱啼不及視至過其門而不入室務在救時今江州
 之塗山是也帝禹之廟銘存焉志作於晉常璩可謂博
 雅矣况留意蜀之材賢然亦不云然禹所生也今徙以石紐
 有禹穴二字證之又安知非後人所為耶禹穴實在今
 會稽空石在焉古稱穴居衆詞也禹平水土時已為司
 空恐不穴居今言穴蓋葬處非生處也古今集記則云

岷山水源分二派正南入溢村至石紐過汝川則禹之
 所導江也由是言之石紐蓋禹績之始而非謂禹所生
 也又按塗山亦有數說江州今重慶之巴縣有山曰塗
 鳳山之臨淮古鍾離也自有塗山啟母石在焉江州治
 水所經鍾離帝都所近未知孰是蘇 又云塗山有四
 皆禹績也併指會稽與當塗云宋景濂遊山記甚詳然
 亦不能決孔安國曰塗山國名非山也史記所載啟禹
 之子其母塗山氏之女又似姓氏猶今司馬氏歐陽氏
 之謂恐亦非國名也即附所疑於此

利州

鄭剛中思耕亭記

嘉陵之源發於鳳之大散旁由故鎮繚繞漁關循崖而
 出力未能載自漁關下武興浮三泉南流二百六十里
 至於亭下又順流入關東走安漢疾趨於合之漢初則
 會東西二川併勢望夔峽之道爭門而出回視漁關不
 知其高幾里皆終歲漕餉之所浮水既不得平流皆因
 地而淺深自灑瀨逆數至漁關之樂水號名灘者六百
 有奇石之虎伏獸犇者又崎嶇雜亂於諸灘之間未舟
 相衛且晝犯險車破大竹為百丈有力者什百為羣背

負而進灘怒水激號呼相應却立不得前有如竹斷人
退其遇石而碎與汨俱入者皆蜀人之脂膏也小人特
有此頗復盜用官米度賍厚罪大則鑿舟沉之歲陷刑
辟與籍入亡家者亦纍纍而有故漕粟之及漁關者計
所亡失常十二吾然後知田之不可耕也武侯以草廬
素定之畫頻年兵出皆以食盡而歸則西南轉餉之艱
蓋千古矣吾君誠心善遊邊陲不憐命中外以寬厚之
澤蕩洗煩苛塞卒千萬今皆纍弓掩甲而卧吾誠能借
其餘力雜耕闢外卒以平歲縵田為準不計狼戾第得
粟一鍾即減漕粟三鍾之力俟諸營儲食能如晁錯所

為足支五歲則時赦農租當下天子之詔凡此皆某臨
流之所深念者

峨眉縣

鹽法自古有之逮管子以是而富國吳王以是而禁民
 法網遂密小民不得恣其欲矣然皆以煮海為利所出
 無窮所入亦無窮若西蜀所煮者不過一鹽井耳濬之
 甚難非二三十丈不可竟業取之甚苦非四五十日不
 可貯鹽且所煮之數不足以償其所稅之數峨眉舊源
 無井即間有一二隣即縣境近皆竭塞杜涸今亦於民
 糧徵派乾賠每年納鹽課銀三百七十六兩零五分三
 厘民窮固甚可憫而國課又難驟蠲反復籌之無所
 措置有司徒具熟腸其轉移軫恤之權實自上操也

天下郡國志

卷六十五 四川

五

按自峨眉西去為龍池為中鎮為獯狃地多產銅鉛木板亦有銀鑛苦不可得椎埋為姦誘人入山鬻與夷為奴獲牛馬厚利將鬻時鉗其首塗以漆今牧牛羊并六畜每日以蕎麥餅充飧又有名為土老受雇工直為人操小舟送木片出灘最險落下如入阱中土老與小舟同入水須臾并浮出然南溪叙戎之民以誘畧為業故須簡司帶弓兵鎮守

建昌沿邊諸堡

建昌衛所屬紙房堡廬州堡高山堡沙坪堡德力堡黃泥堡建昌前衛所屬青山堡松扶堡平蠻鎮夷堡寧番衛所屬濬姑關鐵廠堡北山堡太平關冕山堡巡哨堡李子坪堡雙橋堡白石堡三橋關越雋衛所屬青岡堡蒼葉堡木瓜堡鎮遠堡坪堪堡苦果堡平夷堡八里堡河南堡晒經關堡白馬堡銷蠻堡李子坪堡臨河堡砂米關小哨堡長老坪堡溜水堡新添堡黃泥堡九盤堡會川衛所屬虎頭關司沙關達郎關鹽井衛所屬菁口堡雙橋堡涼山堡鴛鴦堡新添堡馬蝗堡土功堡雙

橋堡杭州堡紹興堡六為堡鎮南堡定遠堡鎮西堡新化
堡明遠堡濟平堡康寧堡共六十二處各於本衛撥軍守
備成化二年設建昌兵備道副使十六年設分守太監
嘉靖四年設守備官一員以都指揮體統行事守備寧
越地方駐劄鎮西守禦千戶所嘉靖七年又設守備官
一員亦以都指揮體統行事守備黎雅地方駐劄雅州
守禦千戶所嘉靖十年巡撫都御史宋滄巡按御史正
道隆題奉 欽依取用分守太監蓋建昌一鎮土沃物
繁雖孤懸一隅而漢夷相安較之松茂邊情萬萬不相
侔隆慶三年改建昌兵備副使為兵糧道兼管分巡督理

糧儲隆慶六年逆酋安文等因與土官瞿氏爭襲統率
夷賊首惡阿貴佐擢柏白牛蘆阿阿支撒他等臨城攻
搆擾害地方萬歷元年四月十九日文等率各夷蠻劄
住木拖村四郎阿等處擄劫人財建昌道兵備副使楊
芷會同監理通判王爵牌行各衛官齊集兵夫人等嚴
守城池先令旗軍周英等萌去安文等賊營宣諭利害
陽為撫安以便整搦將原募兵勇八百餘名分劄城關
要害調取土舍安鎮土官家丁逆止孺姑咱計始撒刺
各率部兵馳赴土官扼南門橋截殺各賊恃其黨眾於
本月二十一日突至本司城下芷親督兵驅戰授以方

開下郡國和邦書 卷之五
畧官兵奮勇截殺擒斬數百人奪獲甲馬器械若干自
是夷虜既遭懲創始知 國法而建昌六衛軍民得安
枕矣萬歷三年巡撫都御史曾省吾巡按御史郭莊題
奉 欽依將建昌前衛併入建昌一衛

建昌兵備鄧 條議

建夷負固一隅蠻烟瘴癘自大渡河起至金沙江止一
千五百六十里皆危坡峻嶺而五衛八所各據要領又
皆與西番東徠百十餘塞掣肘為隣我漢人所藉以往
來者止有一線鳥道迴繞屈曲殆三千餘里以三十餘
里之鳥道經百十夷塞之隘口雖有營堡栉若晨星豈

能保無疎虞此其無月無日無時無刻而皆當為防五
衛八所每歲額辦屯糧五萬餘石村屯星散既不能如
松蕃之歸一兼以前歲大舉比之遵義兵不滿四萬限
不過五月元兇雖已授首逋苜豈能盡殲伏莽假息尚
繁有徒 劍南保全蜀藩籬查蜀志唐天寶以來南詔
歲為邊患大歷十四年十月南詔合吐蕃師一十萬三
路入寇而一路自黎雅過邛峽關陷諸郡邑太和三年
復陷邛崃逼成都劫玉帛女子以去咸通十一年冬蠻
賊圍成都矢下如雨蜀地大震十四年又入寇造浮橋
濟大渡河至新津而還明年始修復邛峽關大渡河諸

城柵內地稍戢至宋藝祖以玉斧畫大渡河而邊患遂
與宋祚相終始 自大渡河起至金沙江止計修舊營
五十六處增新營七十七處共一百三十三營堡 夫
邊職之漢夷並設也謂九種醜類非兼土司不能聯屬
也查 國初寧蕃土酋怕兀他從月魯帖木兒為亂我
太祖命總兵徐凱征討遂廢土改衛止將環居西番
編為四圖聽我羈縻會川鹽井雖設土職火頭然皆各
有分土不甚驚驚越舊印部土官嶺柏應自嶺鳳起構
淮移之柏香坪今可無慮獨建昌安土官雖有總轄之
名號原無一定之寨分先年舊居衛城萬歷丙戌每夜

出城劫村甚者左右兩所官軍不堪荼毒至有率眾攻
城以討賊者丁亥周憲副光錫請於兩臺奏調土漢官
兵勦伐始定雖將土官移居於城外之東街第去衛城
不數步夷丁出入終不能禁此所謂腹背之一大疽也
查安氏世職以來安華安仁安夷安忠四世相承謂夷
猶多懾服嘉靖末忠妻鳳氏權攝夫職是以成尾大之
患鳳氏死踈屬安登冒嗣夷心不服是以有司所養卒逆
止之變安登死其妻瞿氏紹良更無能節制是以安又
頻歲為叛至有臨城劫掠之慘瞿氏紹良死安世隆嗣
而其妻性愛以踰城淫奔為安世隆所逐又為郡奴力

交錯加之播酋石柱等司土漢相雜爭鬪劫害無歲無
之弘光元年設兵備副使駐劄達州統辦重慶黔江并
湖廣瞿廣施州忠州等衛所而達州東鄉太平三州縣又調
聚重夔新寧梁墊長壽銅梁合巴蓬渠營山岳池隣
水大竹等衛所州縣軍快共一千名團操防禦嘉靖
十年於黔江千戶所與散毛宣府等司交界設立老鷹
等三關五堡就於該所摘撥官軍守把嘉靖二十年改
調九永守備官一員於施州衛駐劄約束散毛施南中
路等司蠻夷兼制酉陽石柱二宣撫司石耶邑梅二長
官司黔江守禦千戶所并聽川湖守巡官節制嘉_靖末

大足縣民蔡佑貫以幻術愚衆攻破合州定遠等州縣
黃中盜據雲萬山中旋即勦除萬曆初添設捕盜通判
一員

兵備副使張儉麥子山議 麥子山延袤數百餘里東
抵湖廣當陽房竹及本省寧昌等縣北鄰陝西平利及
本省東太等縣西南三面與本省奉節雲開萬等縣連
界內有紅線岩篩羅琪粟子岩雙古墳四處原有古砦
舊基可容百萬餘人壁立萬仞四面俱是懸崖止有一
線之路可通上有平田古井足供衣食山腰天生石門
一座若被賊把守再無別路可恐山內雖有新舊居民

千有餘戶但地廣居散力分勢寡難以守禦况北連萬
頃柴山常有各省流民一二萬在彼砍柴以供大寧鹽
井之用一遇饑荒即投石山據險流劫尤為可慮今於
石門雙古墳飾羅堪等處通賊要路設立關堡隣近居
民編為夫甲輪流守把杜賊入路

巴通

通江界秦蜀之境叢爾孤城設在萬山間崇林絕嶠一
睇數百里夙號巨寇出沒之數成弘間鄢藍猖獗陷破
城邑都御史林彭先後提師數年始平嘉靖間何賊猖
亂據險糜費兵勒三省凡四載始議招安至厯 當寧

西顧今萬歷丁巳奈中點叛唐王革嘯聚山林竿旗挺
刃剽殺生民掠男女畜物金帛器用歸窟秦山旋歸旋
復至山中狡猾亡賴子多從之當路遣守備卞起龍斬
首數十級

國初吐蕃播州酉陽石砭永寧平谷石耶色梅諸部威
以土人領之蓋以夷治夷不欲煩中國意也獨芒部等
四軍民府假之名號兼設流官豈以聲教漸被猶可從
漢道處之耶曩歲都蠻勒平邇則建昌底靖各土夷畏
威順治及芒部改為鎮雄隴氏未復實授懲創方切悔
艾可知而東川烏蒙二府又復凋弊孱弱自植弗暇羈

繫為宜外惟烏撒岫強一隅往往侵掠隣夷踞為奸利
視諸蕃高再奢羅等部反有意外之虞豈其習使然哉
亦有所恃故耳蓋其地有鹽池銀礦之利藏亡舍死率
以為常勢不勻弊不止也故議者謂水寧恭將施盧二
守備皆切要慎重之地而叙瀘重夔二兵備其防尤不
可緩馬建南雖未即開設郡縣近經條畫善後庶幾少
安水蘭之役外構內訌默中復王偏聽頃賴兩臺 題
奏處分已妥顧險阻易為憑陵犬羊不難蠢動所為建
堡設險練兵儲積上則調 攻心以成羈縻恩威或未

夔州志云萬縣南岸一帶地方壤接施夷各土司環列
四境蜀漢時置南浦縣後代因之至元省入萬州相去
遼絕民又頑犷乃致奸巧之徒鼓扇其中故黃中之亂
始有釀而成之者中雖勦平而處置未妥其間狡猾之
民動犯法禁稍聞捕緝即徙入夷名曰投筒開引土夷
劫掠我人民侵奪我畜產又施南富豪懼夷侵掠私據
險要築堡身守名曰立寨因見地方曠遠兼恃家丁豪
強不供租庸不服拘喚查得先年黃中既平之後經該
院道酌處地方善後事宜有議復南浦縣治以綏邊民
者有議委捕盜道通判駝劉黃荆壩者自今觀之復舊縣

郡國利病書卷六十五
者久安長治之策也議捕守者安內攘外之權也

郡國利病書卷六十五 終

郡國利病書卷之六十六 蜀中風俗記

漢地理志云人食稻魚俗不愁苦而輕易淫泆然地沃人驕奢侈頗異人情物態別是一方

隋地理志云蜀地四塞山川重阻水陸所湊貨殖所萃蓋一都之會也風俗大抵與漢中不別其人敏慧輕急貌多叢陋頗慕文學時有斐然多溺於逸樂少從宦之士或至耆年白首不離鄉邑人多工巧綾錦雕鏤之妙始伴於上國貧家不務儲蓄富室重於趨利其處家室則女勤作業而士多自閑聚會宴飲尤足意錢之戲小人薄於情理父子率多異居其邊野富人多規固山澤

以財物雄後故輕為奸藏權傾州縣此亦其一死也

益部耆舊傳云楊統曾祖仲續舉河東方正授郫令甚

有德惠人為立祠樂其風俗於是居焉漢書楊雄之先

楊季官至廬江太守元鼎間避仇溯江處岷山之陽曰

郫有田一廬有宅一區世世以農桑為業其俗之隩厚

可知也溫江故郫所分益州記云彭之土地肥良比於

郫邑號小阜矣江原之地特好美田葛公云益州所需

悉仰於蜀即此華陽國志稱其俗好歌舞危弦促管聲

尤激切而陸游謂唐安有三千官柳四千琵琶也永康

圖經其俗則悍頗尚氣節而雜夷風縣西五十里有蚕

崖關以扼西山之走集而邊徼從此分矣

威茂及古冉驪地土地剛鹵不生穀粟麻粟惟以麥為質

自古及今今並無兩稅寰宇記云州本羌戎之人好弓馬

以勇悍相尚詩禮之訓闕如也男子衣羯羊皮鞞婦

人多戴金花串以瑟瑟而穿懸珠為飾疊石為磔以居

如浮圖數重門內以梯上下貨藏於上人居其中畜豕

於下高二三丈者謂之鷄籠十餘丈者謂之碓亦有板

屋土屋者自汶川以東皆有屋宇不立碓巢豹領以西

皆織毛毯蓋屋如穹廬其地多冰寒盛夏凝凍不釋夷

人冬則避寒入蜀傭賃人自食夏則避暑反落歲以為常

天下郡國志卷之六 卷之六
故蜀人謂之作五百石子也西入松州苦寒特甚日耕
野壑夜宿碣房刻木器以成交易炙羊膀以斷吉凶人
人精悍習戰鬥矣

簡州治陽安宋闕者孫碑陰記云東普慈西成都有東
之朴有西之文蓋嘗出磊落瑰奇之士焉紹興黎持道
院記云陽安都於會府而有江山之勝處於高仰而有
魚稻之饒民事訟獄比之旁郡十無一二凡隱於吏者
樂趨焉人目之為西州道院寰宇記云郡有獠人言語
與夏不同嫁娶但鼓笛而已遭喪乃以竿懸布置其門
庭殯於別所至其體骸以木函盛置於山穴中按李

膺云北四郡獠也而今則文質彬彬矣

資中或治盤石或徙內江皆謂之中水也圖經云王褒
起資中以文詞顯於是東梓為多士之國劉光祖記云
蜀東十數郡山水之秀不敢與資中抗文物亦然

陵州以鹽井為業以道陵得名丹淵集云州在崎嶇山
谷之中城壘邑屋與蠻嶺澗壑相為上下所領縣四戶
口裁三萬稅錢止千三百緡租不滿萬石土田瘠鹵民
頗善耕稼然其性椎質各守護本業不喜作訴訟事又
郡縣志云俗愿慤而好靜公議而無私有古淳質之風
今亦恐漸訛矣

漢益州或治廣淇或治綿竹古語云大旱不旱蜀有廣
漢蜀記云侵以緜維故廣漢謂之淵府也新都與成都
廣都各為三都之一故號名城兼有金堂山焉綿竹以
姜詩力孝宅曰鄉以任安教授俗侔洙泗德陽有望
秦之里彰明有蔗遜之泉皆以人重也

郡國志云左綿界東西二川北負梁雍風氣所濡各得
其偏故其俗文而不華淳而不魯剛而不狠柔而不弱
三國志先主入涪宴於山上顧謂龐統曰此州之民其
富樂乎陳谿唐昌草市記云諸葛武侯以蜀胜脆故令
隣邑翊日而市意在習其勛力而候之征徭又每及上

春以蠶為名因定日而有所往也

寰宇記云龍州風俗與劍州同然山高水峻人多瘠而
癡聾蓋山水之氣使然

江油令許醇民謠序所向皆山石少平陸罕穀稻人皆
仰食於綿劍鄰邑舊經云岩居谷處多學道經罕有儒
術

嘉州教授任熙明題名記云蜀為西南巨屏絲漢以來
號為多士莫盛於眉益二邦而嘉定次之張綱通義圖
序云後世以蜀學比齊魯而蜀之學者亦獨盛於通義
政和御筆西蜀惟眉州學者最多修譙樓記云其民以

詩書為業以故家文獻為重夜燃燈誦讀聲朗朗相聞
矣

蘇軾遠景樓記云吾州之俗有近古者三其士大夫貴
經術而重民族其民尊吏而畏法其農夫合耦以相助
盖有三代漢唐之遺風而他郡莫之及也始朝廷以聲
律取士而為天聖以前學者猶襲五代之弊獨吾州之士
通今學古以西漢文詞為宗師方是時四方指以為迂
濶至於郡縣胥吏皆挾經載筆應對進退有足觀者而
大家顯人以門族相尚推次甲乙皆有定品謂之江鄉
非此族也雖貴且富不通婚姻其民事太守縣令如古

君臣既去轍畫像事之而其賢者則記錄其行事以為
口寔至四五十年不忘富商小民常儲善物而別異之
以待官吏之求家藏律令往往通念而不以為非雖薄
刑小罪終身有不敢犯者歲二月農事始作四月初吉
穀稚而草壯耘者畢出數十百人為曹立表下漏鳴鼓
以致眾擇其徒為眾所敬畏者二人一人掌古一人掌
漏進退坐作惟二人之聽鼓之不至至而不力皆有罰
量田計功終事而會之田多而丁少則出鈔以償眾七
月既望斬艾而草衰則休鼓決漏取罰金與償眾之
錢買羊醴酒以祀田祖作樂飲食醉飽而去歲以為常

其風俗蓋如此故其民皆聰明才智務本而力作易治而難服守令始至視其言語輒了其為人其明且能者不復以事試終日寂然苟不以其道則陳義秉法以譏切之故不知者以為難治云

文同桂花閣記畧云邛為要州服物繁縟俚師陋士亦備文采章縫彬蔚寔逾於他邦矣

華陽閣志云秦惠文始皇克定六國輒徙其豪俠於蜀資吾豐土家有鹽課之利戶專山川之材居給人足以富相尚故卓王孫家僮千數程鄭各八百人簫鼓歌吹擊鐘肆懸富侔公室豪過田文漢家食貨以為稱首蓋

亦地沃土豐奢侈不期而自至也宋張上行曰此郡昔有四利今有四害曰茶曰鹽曰酒曰鐵他郡或有其一或有其二而吾邛獨全昔以為利國競豪富今以為害民皆貧薄矣

梁邑志云大小漏天在雅州西北山谷高深沉晦多雨舊說黎州常多風雅州常多雨故謂黎風雅雨九州要記云沅黎縣即諸葛武侯征羗之路也每十里作石樓令鼓聲相應今夷人倣之所居悉以石為樓地多長松而無雜木孫漸清嘯樓記云襟帶邛笮羈縻諸蕃郡縣志云宋初曹光是父子能以忠義奮迨皇祐始有登科

者

寰宇記云黎州蕃部與漢人博易不使見錢漢用紬絹茶布番用紅椒鹽馬又云邛雅之夷獠婦人娠七月而產產畢置兒水中浮者取養沉者棄之千百無一沉者長則拔去上齒加狗身以為飾華今有四牙長於諸牙而唇高者別是一種能食人無長齒者否俗信妖巫擊銅鼓以祈禱至今蘆山縣新安鄉五百餘戶即其遺人也

叙南古戎州取西戎即叙之義蜀人呼叙為遂不知何所本華陽國志稱其民徵巫好鬼妖圖經云夷夏雜居

俗各異蓬戶茅簷髻髻詭服頓首拊掌而歌

江陽土地雖迫山川特美鹽井魚池一郡豐沃華陽國志云俗好文刻少儒學多樸野蓋天性也漢光武時被謫不使冠帶者數世其後文風則自宋尚書楊汝明始創五峯書院以為士友會課之所而士翕然興起矣戎瀘皆有諸葛武侯廟每歲蠻人貢馬相率拜於廟前虔符有順應廟乃祀馬謖者歲以三月二日致祭馬湖之夷歲暮百十為羣擊銅鼓歌舞飲酒窮晝夜以為樂其所儲蓄弗盡弗已謂之諸葛窮夷法

寰宇記云大凡蜀人風俗不同然邊蠻界鄉村有獠戶

即異也今渝之山谷中有狼狽鄉俗構屋高樹謂之閣
闌不解絲竹惟坎銅鼓視木葉以別四時父子同諱夫
妻共名祭鬼祈福是所異也

華陽國志涪陵山險水灘人性慤勇多獯蠶之民縣邑
阿黨鬪訟必死無蚕桑少文學漢時赤甲軍常取其民
蜀丞相亮亦發其勁卒三千人為連弩士其性質直雖
徙他所風俗不變

巴子之時陵墓多在枳其畜牧在沮今東突碇下畜沮
是也又立市於龜亭北岸今新市里是也龜陵志云風
土煦暖五月半早稻已熟便可食新七八月間收割已

畢故有樂溫之號

水經注云平都縣有天師治兼建佛寺甚清靈縣有市
肆四日一會南賓郡所轄也惠州題名記云有巴蔓子
仗節死義之遺風故士頗尚氣有甘興壩文廣林任俠
之餘烈故士多倜儻黃魯直四賢閣序云郡自開元以
後訖於會昌劉士安陸敬輿李宏憲白樂天四君子者
相繼出守凜然猶有生氣忠民每以此自負而郡守至
者必矜式焉

黔州圖經地近荆楚候如巴蜀五溪襟帶為一都會路
途濶遠亦無館舍凡至宿泊多倚溪岩就水造殮鑽木

出火黃魯直與秦太虛書曰某屏棄不毛之鄉以禦魑
 魅耳目昏黑黔中一老農耳其作縣題名記云黔江縣
 治所蓋未開黔中郡時歌羅蠻聚落也於今為縣二鄉
 七里戶千有二百其秋賦備催不登三十萬錢以他產
 役於公者八十有五其義軍二千九百招諭夷自將其
 衆者五百七十其役於公之人質野畏事大畧與義軍
 夷將領不殊也使之非其義或跳梁不為用決訟失其
 情或擄掠以償直暗則小智者亦混疆畔而為欺懦則
 細黔吏亦能用其柄市麝臍以百計市蜂蠟以千計貧
 則夷以長吏為侮寬則以利啗胥徒而苟免猛則鳥獸

駭而走箐中矣至今得其人柳垢爬痒民以安堵而異
 時號為難治吾不知其說也

常璩志郡與楚接人多勁勇少文學有將帥才宋何郟
 夫子殿記云夔為州於邑東最大其風俗嗜好語言較
 荆楚不甚遠當列國時楚顯者多良才夔為楚江至今
 未聞有用儒顯者民家子弟壯則逐魚鹽之利富有餘
 貲輒以奉事鬼神他則不暇知耳李貽孫都營府記云
 其人豪其俗信鬼其稅易征其俗不偷也

宋肇詩序夔冬暖雪不到地惟山高處白杜詩註云硤
 土磽确煖氣既達故民燒地而耕謂之火耕

開州都梁南浦雲安皆漢朐肹縣也注云其地下濕多
朐肹蟲故名此虫為瘴善中人避之則吉盛山學記云
士以績文相高有溫造柳公綽之餘烈梁山軍題名其
民未嘗造難聽之訟以溷有司守居蕭然閱旬無訟牒
至廳下軍西之田獨平行可耕前涪後峽挾以夔萬皆
崇山環委南浦記云土地多泉民賴魚畧西魏於此置
魚泉縣也

通川圖經云水航於蜀陸肩於雍樓雉丹漆屢用珠玉
土居十萬戶水居三千戶九域志載男女不耕桑貨買
用雜物以代錢常氏馬鳴山志稱其持金易絲菜者不

絕於道矣

大寧監圖經云一泉之利足以奔走四方吳蜀之貨盛
萃於此監地接朐肹多瘴土人以茱萸燕茶食之可辟
嵐氣以其味辛故曰辣茶題名記大寧僻在東南軒冕
者寡而封畛之內皆樂善之編氓也

夫竹枝者閭閻之細響風俗之大端也四方莫盛於蜀
蜀尤甚於夔杜子美白帝詩云破甑蒸山麥長歌唱竹
枝萬州圖經云正月七日鄉市士女渡江南蛾眉磧上
作鷄子卜擊小鼓唱竹枝歌開州志云俗重田神男女
皆唱竹枝巫山志云琵琶峰下女子皆善吹笛嫁時羣

女子治具吹笛唱竹枝詞送之則變俗比比如是矣劉禹錫竹枝詞九首序云四方之歌異音而同樂歲正月余見建平里中兒聯歌竹枝吹短笛擊鼓以赴節歌者揚袂舞以曲多為賢聆其音中黃鐘之羽卒章激訐如吳聲雖僮儇不可分而含思婉轉有淇澳之艷音屈原居沅湘間其民迎神祠多鄙陋乃為作九歌到於今荆楚歌舞之故予亦作竹枝九篇俾善歌者颺之附於末俾後之聽巴歛者知變風之自焉

遵義圖經云其俗敦龐淳固以耕植為業鮮相侵犯天資忠順悉慕華風

元史地理志云夷夏雜處遵文教守禮法夷椎髻披氊以射獵伐山為業信巫鬼好詛盟方輿勝覽云累世為婚姻以銅器氈刀弩矢為禮燕樂以鑼鼓橫笛歌舞為樂會叙貴漢服出入負刀弩交易與華人不侵此亦屬縣之大較也

應劭風俗通云閩中有渝水賈民多居水左右天性勁勇初為漢前鋒陷陣銳氣喜武帝善之曰此武王伐紂之歌也乃今樂人習學之今所謂巴渝舞也隋書地理志稱其風俗與漢中不別質朴無文不甚趨利雖蓬室柴門食必兼肉好祀鬼神尤多忌諱家人有死輒離

其故宅重崇重道教猶有張魯之風焉每至十月十五日
 必以酒食相饋賓旅聚會有甚於三元時按蒼溪志北
 八十里有岐平鎮每五月初間四方商賈輻輳貿易以
 萬計辨為岐平會亦古今相沿之槩也
 宋太守李獻卿南樓詩序云方地暖風清民淳事簡馮
 忠恕記云其地平行而沃其民恭儉而文在西南為佳
 郡不減成都

利州圖經呼為小益對成都為大益也舊志云自城以
 南純帶巴音由城以北雜以秦語
 漢李尤蜀記蜀山自綿谷葭萌道徑險窄北來擔負者

不容易肩謂之左擔道故少陵愁坐詩云葭萌此種迫
 左擔夫羊存
 保寧一府四月新絲出輸縣官緡過此則逋負矣俗因
 謂之蚕糧

十道記云廣漢之地有鹽井銅山之富蔬食果實之饒
 此後漢馮灝刺奢之說所由作也玉堂遺範授高璩劍
 南東川節度使制云梓潼奧區賢彥徊翔者矣舊經稱
 其俗好勝尚氣不耻貧賤士通經學古罕為異習豈非
 相沿以使之然歟

文同樂間堂記中江為梓之三萬戶縣生齒既眾分地

既隘其爭鬪之辨侵越之訴番已遽作紛午交行鞭之
 庭而械之獄者無虛日所決一未厭其願則號冤唱屈
 奔走跳盪於勸農使前者絕復續焉士大夫以無可奈
 何而適為之令者何嘗不望名而起畏河南廖君自福
 昌移治於此聞其所以為政之大概也無急擊無緩縱
 焚以柳之結以鴈之摩撫柔愿規厲陶突善端奸幾觀
 聽而畫民自告戒無敢欺瀆曾未逾歲已底無事云
 蜀山谷間民皆冠白言為諸葛孔明孝服所居深遠者
 後遂不除出己郊避暑錄今蜀人謂之戴天孝

蜀中方物記

川西井

蜀都賦家有鹽泉之利華陽國志蜀郡廣都縣有鹽井
 又有小井十數所捷為郡牛鞞縣有陽明鹽井又云李
 冰識齊水脉穿廣都鹽井諸陂池蜀於是盛有養生之
 饒焉郡國志云唐武德二年分魏城置鹽泉縣以地有
 鹽井民得採漉為四方賈售之地按廣都今雙流牛鞞
 今簡州魏城今屬左綿也寰宇記云益部鹽井最多
 而陵井最大在仁壽縣縱廣三十丈深八十丈汲以大
 牛皮囊刑徒充役甚苦後廢陵井更開狼毒井今之煮

井是也又云仁壽縣五井二井存曰營井在縣南二十
五里隋大業元年間水淡遂廢至宋乾德三年重開日
收鹽四十斤曰蒲井在縣南四十里唐武德初開水淡
遂廢至宋太平興國三年重開日收鹽三十八斤五兩
三井廢曰賴賓井石羊井賴因井
有麗甘井取玉女美麗其鹽味甘為名又有聶甘井古
鹽井也其傍有神廟謂之聶社云

又貴平縣一井曰上平在陵州東北九十三里唐朝日
收鹽一石七斗五升與百姓分利偽蜀廢乾德三年重
開日收鹽一百七十斤益州記肯平有土井官有兩灶

十八鑊一日一夜收鹽四石如霜雪也

寰宇記云井研縣二十一井曰研井在陵州南百三十
二里唐時日收鹽八斗貞觀二十一年崩壞總章二年

重修偽蜀淺塞宋乾德三年重開日收鹽四十九斤曰
志陵井在州南一百里九唐時官私日收鹽五斗五升
龍朔元年壞上元元年重開偽蜀淺塞乾德二年重開
日收鹽三十斤一十兩曰稜井在州南百里日收鹽五
十三斤八兩曰律井在州南九十里日收鹽五十五斤
曰田井在州南百五十一里日收鹽三十六斤俱乾德
重開已上五井存曰獠母曰還曰賴倫曰石烈曰范曰

宋曰桶曰柳泉曰賴郎曰遮曰新曰董科曰潘今日小
羅曰依即曰帶已上十六井廢

寰宇記始遠縣七井曰羅泉井舊廢至宋乾隆三年重
開日收鹽三十五斤今存曰塔泥井石縫井賴胡儒井
亦石井賴子井賴澳井已上六井廢

文同丹淵集云井研縣自慶歷以來始因土人鑿地植
竹謂之卓筒井以取鹹泉錢泉鑿鍊鹽色後來其民盡能此
法為者甚眾遂與官中畧出少月課乃倚之為奸恣用
鑄琢廣專山澤之利以供侈靡之費豪家至有一二十
井其次亦不減七八鄉時朝廷嘗亦知其如此創置無

已深慮寢久事有不遂便下本路轉運司止絕不許開
造今水縣界內已僅及百家其所謂卓筒井者以其臨
時易為藏掩官司悉不能知其的是少數目每一家
項役工匠四十五人至三二十人皆是他州別縣浮浪
無根着之徒抵罪逋逃變易名姓來此傭身賃力平居
無事則俯仰低折與主人營作一不如意則遮相扇誘
羣黨譁噪算索工直偃蹇求去聚墟落入鎮市欲博許
盜靡所不至已復又投一處習以為常按始遠今入井
研縣

沈存中夢溪筆談云陵州鹽井深五百餘尺皆石也上

下甚寬廣獨中間稍狹謂之杖鼓腰舊自井底用柏木
為幹上出井口自木幹垂綆而下方能至水井側設大
車絞之歲久井幹摧敗屢欲新之而井中陰氣襲人入
者輒死無緣措手唯候天雨則陰氣隨雨而下稍可施
工雨晴復止後有人作木盤蓋井上滿中貯水盤底穿
小數醜水一如雨點謂之雨盤令水下終日不絕如此
數月井幹為之一新而陵井之利復舊

川南井

華陽國志南安縣有鹽坵灘李冰所平也在漢有鹽井
按今嘉州之紅崖是其故處矣寰宇記云滎州有鹽井

五十七所朝野雜記云彭山有端應井味稍硝得隆滎
鹵餅雜煎之然後成元豐崇寧兩嘗禁之以食者多病
故也

杜預益州記云益州有卓王孫井舊常於此井取水煮
鹽又大井縣西五里有靜邊鹽井皆邛州地華陽國志
孝宣帝地節中穿蒲州鹽井二十所增置鹽鐵官寰宇
記蒲江縣金釜等八井見歲出課鹽六萬三千斤東坡
志林云蜀去海遠取鹽於井陵州井最古 井富順監
亦久矣惟邛州蒲江縣井乃祥符中民王鸞所開利人
為至厚焉雅安志州南十五里多白石鹽土人鑽取之

名曰鹽崖

華陽國志江陽縣有富義鹽井以其出鹽最多商賈輻
輳言百姓得其饒富故名按此井深二百五十丈鑿石
以達鹽泉口俗亦稱玉女泉也乾德四年割為富順監
而縣廢管鹽井大小六歲出鹽貨三十餘萬貫勝覽云
鹽井惟富順監最大舊日為額八百餘斤今日額於五
百餘斤楊光清操堂記三榮富順產鹽其地號為貧泉
矣富順志云富義井在縣西一里近年為淡水滲溢灶
十洶遠近舊井賠課而此井遂廢今鹽井十四曰鄧添
園秦家富小新羅米謝家來周泉狗鳴鶴圓壩羅芹月岩

溪口石欄相者是

長寧縣清井在縣北寶屏山下輿地記紀勝云清井脉有

二壺自封溪報恩寺山址度溪而入嘗夜有光如虹亂

流而濟直至井所一自寶屏隨而入謂之雌雄水初人

未至有井夷人羅氏漢人黃姓者因收而辨其鹹蚤議

刻竹為牌浮於溪流約得之者以井歸之漢人得牌聞

於官井遂為漢有後人立廟祀黃羅二神按千州五團

記鞞羈縻十州獻其鹽池官後為清井監一統志亦云

長寧治此清井二脉一鹽一淡取以煎鹽塞其一則皆

不流謂之雌雄井矣唐貞觀五年置南通州析置鹽泉

縣以隸之王象之謂叙州近邊之地別無鹽泉意者即
今長寧之境則唐初必輸官矣元歲課辦鹽三十萬斤
今歲課辦鹽四十二萬二千五百斤按唐筠州下有鹽
水縣者是志云筠連縣南二十五里亭臺山像若亭臺
狀溪邊有鹽井即木桶井

吉州劉立之通判瀘州州有鹽井蜀大姓王蒙正者請
歲倍輸以自占蒙正與莊獻明肅太后聯姻轉運使等
皆不敢予奪君曰倍輸於國家猶秋毫耳奈何使貧民
失業遂執不與見歐陽墜傳華陽國志定筰縣渡瀘水
貧剛徼白摩沙夷有鹽池積薪以齊水灌而後焚之成

鹽漢末夷皆錮之張巖往爭夷帥岑槃本明不肯服巖
擒而叛之厚賞餘類乃安今北沙河是也

川東井

華陽國志巴郡臨江縣枳東西百里接胸脰有鹽宜在
監塗二溪一郡所仰其豪門亦家有鹽井註水經云江
水又東逕臨江縣南王莽之鹽江縣也自鹽北入鹽井
溪有鹽井營戶泐注溪井水矣郡志云武隆縣距白馬
津東三十餘里江岸有鹽泉初康定間有程運使舟次
鵲孝聞江中有硫黃氣襲人謂此必有鹽泉駐舟召工
開之果得鹽脉是時兩岸新蒸膳足民未知烹煎之法

乃於忠州遷井灶戶十餘家教以煮鹽之法未幾有四
百餘灶由是兩岸林木芟雜童然寰宇記彭水縣東九
十里有鹽井一今煎昌元縣南北五十里并九山側亦
有鹽井

荊州圖副云八陣圖東南三里有一礮東西百步南北
廣四十步磧上有鹽泉井五口寰宇記云夔州永安宮
南磧上鹽井以木為桶昔常取鹽即時沙壅冬出夏沒
又云諸葛鹽井有十四自山下至山上其十三井常空
盛夏水漲則鹽泉迤邐遷去於江水之所不及荊州記
云胸臆縣北岸有陽溪溪南有鹽井百二十所按陽溪

水源出雲安縣北六百里又水經注胸臆縣翼帶鹽井
一百所巴州資以自給粒大者方寸中央隆起形如張
傘故因名之曰傘子鹽有不成者形亦必方異於常鹽
王隱晉書地道記曰入湯口四十三里有鹹石大者如
升小者如拳煮之水竭而鹽成蓋蜀火井之倫水火相
涓乃佳矣水經注建平郡北井縣南有鹽井井在縣北
故縣名北井建平一郡之所資也

宋開寶六年以夔州大昌縣鹽井鎮置大寧監治距寶
山十有七里距大昌六十九里其土多石剛裂不受陶
治官民屋宇多覆茅竹及板以瓦者無幾突小不謹輒

火飲食旋給不憂凍餒不織不耕恃鹽以易衣食
 淳化中將作鹽丞需說知監事見鹽場人戶爭及強弱
 相凌多抵於訟乃於穴傍砌石為池以潄水外說橫枚
 三十竅承以修竹謂之筧筒蓋鹽泉初出勢暴不可遏
 故疏池為墟而三殺之泉流既平均節入筧無復奔衝
 不平之患矣至嘉定中歲久弊滋事聞於朝遣榮州資
 官令孔嗣宗按置窮訪民瘼有不便者皆除之泉自穴
 入筧跨溪為渠而今之南得十三北視南加二各立長
 以司其平歲一易筧其法視舊益詳矣民為立祠號孔

段氏遊蜀記云通開二州有鹽漆之利宣漢長腰井場
 鹽源出大江龍骨窟中灘名羊門兩崖峭峻鹽源自出
 遂煎成鹽寰宇記曰開縣温湯其井有三曰柏木曰龍
 馬曰杉木俱出白鹽

川北井

華陽國志巴西郡南充國縣和帝時置有鹽井蜀都賦
 註充國縣有鹽井牧十益州記曰南充縣西南六十里
 有昆井即古鹽井也南部志縣西五十里寶馬寺有寶
 井出鹽日可易一馬人共寶之故名寰宇記云新井縣
 武德元年割南部晉安地置界頗有鹽井因斯立名

晉太康地記曰梓潼縣出傘子鹽九州要記云去武縣
鹽井二近江水淡煎鹽不成飛鳥縣管井七見煎三井
餘塞寰宇記云郫縣鹽井四十三眼二十二眼見煎餘
廢志云梓州舊有鹽井有僧一新者不知何代人指地
教人鑿井鹽泉湧出為利無窮及卒土人置祠奉其遺
軀為塔祀之

寰宇志涪城縣管鹽井五十五所十眼煎餘塞又云富
國監者本梓州郫縣富國鎮新井煎鹽之場也宋置鹽
以董其事兼領通泉飛鳥等井地去梓州九十里又云
通泉縣管鹽井七十四所

蜀記云靈江東鹽亭井古方安縣也周地圖記梁大同
九年於此立亭因井名縣管鹽井三煎一有女徒山在
縣東二十五里從閬州新井縣界來故老相傳昔有女
徒千人於通泉縣康督井配役遇賊於此乃於山頂置
柵禦捍遂破賊俗為之置祠今富順鹽井皆婦人推車
汲水由此而論則女從之山可錄矣寰宇記東閬縣管
鹽井四見煎三井餘廢永泰縣管鹽井五

井課

杜氏通典云蜀道陵綿等十州鹽井總九十所每年課
鹽課當錢八千五十八貫註云陵州鹽井一所課都當

錢二千六十一貫綿州井四所都當錢二百九十二貫
資州井二十八所都當錢一千八十三貫瀘州井五所
都當錢一千八百五十貫榮州井十三所都當錢四百
貫資州都當錢七百一十七貫遂州四百一十五貫閬
州一千七百貫普州二百七貫果州二十六貫

圖經云唐萬歲通天二年右補闕郭文簡奏陵井監賣
水一日夜得四十五函半百姓貧利失業長安二年停
賣水依舊稅鹽先天二年加課利歲有三千六百二貫
偽蜀時井塞宋乾德三年平蜀陵州通判賈璉重開舊
井一晝夜汲水七十五函每函煎鹽四十斤日獲三千

斤至雍熙元年春冬日收三千八百一十七斤秋夏日
收三千四百四十七斤蓋水源之有長短也

朝野雜記仙井歲產鹽二百餘萬斤隸轉運司蒲江亞
之隸總領所大寧鹽二百五十餘萬斤歲取其四分隸
總領沂清井鹽四十餘萬斤歲取其贏五萬餘緡為軍
食之用自祖宗以來民間自煮鹽歲輸課利錢八十萬
緡趙應祥變鹽法增至四百餘萬緡又逃絕之井許人
增其額以承認鹽既益多遂不可售紹熙三年楊嗣勳
總計棧閣助筒二千鹽由是頓是自後井戶稍紓而民
間食鹽愈貴矣

太平興國初有司言昌州鹽歲收虛額十一萬八千五百餘斤及開寶中知州李佩率意倍斂以希課最於歲額外別役部民煮鹽民甚以為苦轉運使以聞詔悉除之

夔府舊志昔大寧鹽井隸監淳熙甲辰部使者楊公輔更法歸之漕司監不復興熙寧中歲額四百餘萬斤紹興中以二百四十萬斤為額閏年加十萬斤為二百五十萬斤

宋史熙寧中蜀鹽私販者衆禁不能止欲盡入私井運解池鹽以足之議未決神宗以問修起居注沈括對曰

私井既容其樸買則不得無私易一切實之而運解池鹽使一官^出於官售此亦省刑罰籠遺利之一端然忠萬戎瀘間夷界小井尤多止之實難若列堠加警恐所得不酬所費議遂寢沈括本傳云市易司患蜀鹽不禁欲盡入私井而輦解池鹽給之言者論二事如織皆不省沈括侍側帝顧曰卿知籍車乎曰知之帝曰何如對曰敢問欲何用帝曰北邊以馬取勝非車不足以當之括曰古人所謂兵車者輕車也折旋利於速今民間軸車量大日不能三十里世謂之太平車但可施^于無事之日爾帝曰人言無及此者遂問蜀鹽事對曰臣恐

得不足償費帝之明日二事俱寢

井法

類要云鹽泉有絞筵引泉踏溪每一窺用一筵其窺與筵每年十月旦日以新易陳郡守作樂臨之井民相慶謂之絞筵節

志林云慶歷皇祐以來蜀始開筒井用因刃鑿如鹽大深者數十丈以巨竹去節牝牡相銜為井以隔橫入淡水則鹽泉自上又以竹之差小者出入井中為桶無底而斂其上懸熟皮數寸出入水中氣自呼吸而啟閉之一筒可致水數斗凡筒井皆用機械利之所在人無不

知後漢書有水鞬此法惟蜀中鐵冶用之大略似鹽井取水筒太子賢不識妄以意解非也

近時射洪士人馬驥撰鹽井圖記云鹽井其來舊矣先世嘗為皮袋并圍徑三五尺許底有文利饒課重工力浩鉅非一載弗克竣今皆淹沒殆盡不可攷民循故業以納課率多從竹井制其為次第在井匠董之凡匠氏相井地多於兩河夾岸山形險急得沙勢處鳩工立石圈畫去面上浮土不計丈尺以見堅石為度而鑿大小窵為大窵大鐵釘主之小窵小鐵釘主之釘一也大釘則有釘頭扁竟七寸有輪鋒利穿鑿與井曰北口

傍樹兩木橫一木於上有小木滾子以火掌繩釘末附於橫木滾子上離井六七步為一木椿糾火掌筏而耦舂之滾竹運釘自上下相承矣匠匠掌釘筏坐井口傍周遭圍轉令其竅圓直初則灌水鑿之及二三丈許泉湧四尺不用容水無論上石釘觸處俱為泥水每鑿一二尺匠匠命起釘用筒竹一根約丈餘通節以繩繫其稍筒末為皮錢掩其底其泥水所在匠匠擦繩伸縮皮歛水入邑滿攪出泥水漸盡復下釘鑿焉次第疏鑿不計工程力不大較至二三十丈許見紅石若口大竅告成矣隨議下竹竹有木竹梓竹二種木竹取堅也剗竹二

片一麻合其縫以油灰釁其隙梓竹出馬湖山中亦以麻裹之木作末為大麻頭纍纍節合下盡全竹四清淡水障阻不能浸淫乃截去大釘頭用釘梢鑿小竅法如大竅然鑿至二十丈中見白沙數丈有鹽水數担各曰腰脉水去鹽水不遠尋鑿之而鹽水淵涓自見也水有黃水晝夜力汲不竭然味近淡有鹽水晝夜計有數然味亦不齊有一担而煮鹽五六斤者有八九斤至十二三斤者顧遇何如耳厥土既就始樹樓架高可似敵樓上為天滾有輓轆聲制筒索吸水如前吸泥水法而樞軸則管於車床也床橫木為槃槃有兩耳作曲池狀左

右低昂逆施在揖地右伸在揖地左伸循環用力索盡
筒出鹽水就灰筥撥水而煎燒有緒矣轉輓轆者蓋三
人為之力厚者則制牛車車狀大力逸而功倍也此自
成井而論耳若掘鑿之際鈎偏中折而墜其中者或遭
淤泥作沮者其出法亦巧而為器亦異鈎帶火掌篋而
墮者以攪鑣鈎出為力易易惟鈎半墮或止墜鈎頭者
取之之法制為鐵五爪如覆手狀爪皆入木數寸以竹
三尺許劈碎一尺纏扼爪木令堅緻上一尺亦劈碎則
活繫槿子鈎不令拘泥偏向中一尺通其節以待槿子
鈎假道捷伐垂瓜入井瓜定所墮鈎頭匠氏促上督索

槿子鈎由筒中擊木木擊五爪數擊則瓜攫割鈎頭者
牢不可以游滑自匿雖欲不出不可得矣若被淤泥填
溢大小竅猶闕格症然甚者製為搜子以和解其膠密
搜子者鐵條之有齒齒者也未甚者製為漕鈎以衝擊
其脂疑漕鈎者槿子鈎之有齒齒者也支觚既折則為
刮筒以取其泥刮筒之制與鹽筒殊料不通其節而每
節之節鑿為方口投井口吸泥亦如吸水式蓋水可以
疏通翁受泥則踰節不可是則匠氏作法意也嗟乎一
井之成其次第節目如此亦云勞矣乃勞歸灶丁利歸
商販富灶任逸傭灶任力終歲窮日疲弱若何而征輸

又告急矣至有坍塌而乾賠國課者有逋負而逃徙流
離者是在上之人寬一分則民受一分之賜云

蜀都賦云密房郁毓披其阜山圖來而得道華陽國志
宕渠縣有石密宿山圖所來也本草石密出益州及西
戎煉砂糖為之成餅塊有黃白色寰宇記茂集達三州
產蜜資州產甘蔗容齋隨筆云糖霜之名唐以前無所
見自古食蔗者始為蔗漿宋玉招魂所謂膈鱉魚羔有
朽漿是也其後為蔗錫孫亮使黃門就中藏吏取交州
所獻甘蔗錫是也後又為石密南中八郡志曰窄甘蔗
汁曝成飴謂之石密本草亦云煉糖和乳為石密是也

後又為蔗酒唐赤土國用甘蔗作酒雜以土瓜根是也
唐太宗遣使至摩揭陀國取熬糖法即訪楊州上諸產
擇潘如其劑色味愈於西域遠甚然只是今之砂糖蔗
之技盡於此不言作霜然則糖霜非古也歷世詩人模
竒寫異亦無一章一句言之唯東坡過金山寺作詩送
遂寧僧玄寶云涪江與中冷共此一味水冰盤薦琥珀
何以糖霜美黃魯直在戎州作頌答梓州雍熙長老寄
糖霜云遠竒蔗霜知有味勝於崔子水晶盤正宗掃地
從誰說我舌猶能及鼻尖則遂寧糖霜見於文字者實
始二公甘蔗所在皆植獨福善四明番禺廣漢遂寧有

糖水而遂寧為冠四郡所產甚微而顆碎色淺味薄纔
比遂之最下者亦皆起於近世唐大曆中有郢和尚者
始來小溪之山教民黃氏以造霜之法山在縣北
二千里山前後有蔗田者十之田糖霜戶十之三蔗有
四色曰杜蔗曰西蔗曰芳蔗本草荻蔗也曰紅蔗水草
崑崙蔗也紅蔗止堪生噉芳蔗可作沙糖西蔗亦可作
霜色淺土人不甚貴杜蔗紫嫩味極厚專用作霜凡蔗
最困地力今年為蔗田者明年改種五穀以息之霜
戶器用曰蔗削曰蔗鏟曰蔗澆曰蔗碾曰榨斗曰榨床
曰漆甕各有制度凡霜一甕中品色亦自不同堆疊如
假山者為上團枝次之甕鑑次之小顆塊次之沙脚為
下紫為上深琥珀次之淺黃又次之淺白為下宣和初
王黼創應奉司遂寧常貢外歲別進數千斤是時所產
益奇墻壁或方寸應奉司罷乃不再見當時因之大擾
敗本業者居半久而未復遂寧王灼作糖霜譜七篇且
載其說予未取之以廣聞見

郡國利病書卷之六十六 終

郡國利病書卷之六十七

蜀中邊防記

川西

松潘 漳臘 小河

松潘道開府松潘衛與副總兵官一員分城而居叅將一員舊駐小河千戶所今移駐龍安城遊擊將軍一員駐劄漳臘堡守備都指揮一員駐劄平番堡其餘把守練兵官各有差

按後漢書建武九年司徒掾班彪上言舊制涼州部置護羌校尉持節領護理其怨結歲時巡行問所疾苦又數遣驛徒通導動靜使塞外羌夷為吏耳目郡州因此

可得做備今松潘備兵即古護羗使者之職也

尋江源縣記云松州平康縣羊膊山下有二神湫乃大江始發之所自羊膊嶺散漫始未濫觴東南百餘里至白馬嶺回行二千餘里至龍洞水障始於是也志曰江發源於臨洮之木塔山至山頂分東西流者即岷江也由草地甘松嶺八百里至漳獵獵其水漸大漳獵獵由鑊刀灣達松潘於下水關入紅花屯連壘溪至穆肅堡黑水從南合之入深溝經茂州南至於威汶轉銀嶺合草坡河至蠶岩入灌口分道而下由威至玉壘山為玉輪江至汶為皂江至灌為沫江

志又曰衛北三舍有龍潭四序淵澄其深莫測有嶺謂之小分水嶺又有大分水嶺山高峻而水泓流在衛北二百里外

四夷傳曰西羗之本出自三苗其先為伯夷甫炎帝之裔帝母育於江水而以姜為姓故羗亦姓姜其國始近南岳及舜徙之三危今河關之西南羗地是也濱於賜支至乎河首繇地千里賜支者析支也王政修則臣伏德教失則寇亂本無君長夏未及商周之際或從候伯征伐有功天子爵之以為藩服羗爰劍者秦厲公時為秦所執以為奴隸羗人為妓為無戈故號為無戈爰

劔後得亡歸將其種人南出賜支河其後子孫各自為
 種或為羗牛種越羗是也或為白馬種廣漢羗是也
 或為參狼種武都羗是也至爰劍曾孫忍及弟舞獨留
 湟中忍生子研故羗中號其後為研種漢景帝時研種
 留何求守隴西塞於是徙留何等於狄道安故及武帝
 西逐諸羗乃渡河湟築令居塞乃置護羗校尉從爰劔
 種五世至研研最豪健以研為種號十三世至燒當復
 豪健其子孫更以燒當為種號滇良者燒當之玄孫時
 王莽末四夷內侵及莽叛眾羗還據西海光武之世以
 牛邯為護羗校尉即此地也及燒當至滇良世居河北

大允谷種小人貧而先零卑湍並皆富強數侵犯之滇
 良父子精怒從大榆中入掩擊先零卑湍大破之掠取
 財畜奪居其地大榆中由是始強滇良死子滇吾立附
 落轉盛常雄諸羗在晉內附以其地屬汶山郡宋齊亦
 得之後為西魏所有焉魏書鄧至傳王像舒治者並白
 水羗也常為羗豪自稱鄧至王其子舒彭遣使內附拜
 龍驤將軍益州刺史甘松縣開國子鄧至王請以封爵
 授子彭奮高祖許之拜奮健忠將軍甘肅縣開國子即
 為小藩朝貢相繼關中亂乃絕後魏末平鄧至番始繞
 有其地後周保定五年於此置龍涸防天和元年改置扶

州領龍涸郡隋初廢州郡以其地併入汶山同昌二郡
 唐武德元年置松州貞觀二年置都督府松踞懿嵯潤
 隣雅駁可遠奉嚴諾峨彭軌盍直肆位玉璋祐臺橋序
 等二十五羈縻州永徽之後生番相繼服叛不常儀鳳
 二年復加整比督文扶當柘靜翼六州都督羈縻研州
 劍州探那州杞州河州幹州瓊州犀州拱州毗州龕州
 陪州如州麻州霸州礪州光州至涼州蠶州擘州梨州
 邏州思帝州眺州成州統州穀邛州樂容州達達州卑
 州慈州共凡三十一州據天寶之載薄松州都督府督
 一百四州其二十五州有額戶口頗多但羈縻逃散餘

七十九州皆生羗部落或臣或否無州縣戶口矣天寶
 初改松州為交州郡乾元初復為松州按貞觀之時分
 十道松文扶當悉柘靜等州屬隴右道永徽之後割屬
 劍南道也

寰宇記云松州治嘉城縣按嘉城縣即後魏白水羗像
 舒治所據也其子舒彭遣使朝貢拜龍驤將軍始置甘
 松縣矣後周之龍涸防及改置扶州皆治於此隋曰嘉
 城唐曰嘉城則為松州之所治也

志云甘松嶺在衛西北三百里州以此名按山海經云
 甘松嶺亦謂之松葉嶺即江水發源於此土人謂之松

子嶺也又有石門水白龍州石門山連亘經郡界合江故曰石門水矣

寰宇記曰松州屬縣有平康交州按平康縣晉屬汶川郡隋屬會州後廢唐垂拱元年割交川及當州通軌翼斜三縣置平康縣屬當州 交川縣後周天和中置隋屬會州唐改屬當州志云平康交川二廢縣俱在衛治西

通志曰潘州者唐廣德初年松州陷於吐蕃五代諸羗各據其地宋崇寧取邦潘疊三州初屬吐蕃首領潘羅支此潘州之名所由起也元屬吐蕃宣慰司國初洪武

十一年御史大夫平羗將軍丁玉克復其地設松州潘州二衛後併為松潘衛鎮守斯土者二十年後復改松潘等處軍民指揮使司隸四川都司屬川西道領守禦千戶所曰小河安撫司四曰八郎曰麻兒匝曰阿角曰芒兒志曰八郎山在衛北三十里山下為八郎安撫司也長官司十七曰占藏先結曰蠟匝曰白馬路曰山洞曰阿昔曰白定曰麥匝曰者多曰牟力結曰班班曰祈命曰勒都曰包藏曰上阿昔曰思囊兒曰阿用曰潘幹寨各降符命列為守土焉復立番僧二人為國師曰商巴曰綽嶺二人為禪師曰黎巴曰完卜亦皆佩銀章也

西邊記云國師商巴佛教也禪師黎巴道教也其寺觀散居寨落以主化導番夷丁大夫時設鑄金銀定有足或無足者賞及諸番番呼曰丁大夫寶重五六兩者番價值三五十兩其家有一二錠遂名為財主錠發夜光稱神異矣

龍洞志云男曰安達女曰白麻多種青稞圓根好用羶羊麥粉宋史云松番之俗日耕野壑夜宿碉房刻木契以成交易炙羊膀以斷吉凶人精悍善戰聞也

志云其地廣六百七十里袤千六十里編戶通二十里東至龍州界一百九十里西至牟力結吐蕃草地界

四百八十里南至疊溪守禦千戶所界二百里北至陝西洮州衛界八百六十里距成都七百六十里雪嶺面於東洮河界其西雪嶺其色如銀俗呼為寶頂山蠶崖路險人跡罕到即老杜所稱松州雪嶺東也洮河發源岷山北流入陝為臨洮府南入川與江漢會矣

三邊志曰金蓬山在東南五里羗金蓬者居之山下石崖鑄永泉二字正統初都督李安以斂斫崖而得二水亦名文武水 紅花牛心二山各去衛十五里峰巒圓秀者牛心也紅花有屯田是名紅花屯矣又東四十里為火燄山山無草木其色如赭

四夷考云宣德二年松潘千戶錢宏聞有交趾之役憚於遠征乃誘蠻族入寇請張奏報得留不遣蠻自是煽禍攻圍城堡調官軍五千討之至威州黃土鋪矣利道遂不通三年命總兵都督陳懷等帥西軍四萬由洮州入松潘解圍猶弗克靖八年復調川貴官軍協力從事始克成功正統四年都指揮趙諒誘執蠻酋國師商巴以犯邊聞遣都督李安征之尋誅諒誣妄蠻乃服然猶二三十年始設松潘巡撫都御史一員以都御史寇深及侍郎羅綺相繼臨之咸有成績綺還京提督文臣不復更置但以備兵使者整飭之而已天順五年蠻截

我糧道入龍安石泉等處成化十三年勢益猖獗復敕撫臣張瓚詞漢土官兵五萬由東南二路分進勦滅白羊嶺鶯飲溪等二十一寨斬蠻首級四百餘顆於是商巴等二十六族詣軍門獻馬納款各諭以利害遣之十四年正月復攻黃頭復水諸寨前後殺獲男婦七百餘人赭其碉房九百墜崖死者不可勝計亦一大創矣弘治間跳梁如故南路梗阻正德二年副總兵楊宏誘殺綽嶺寺國師雪郎王出自後本寺小宛卜等動稱報仇松城之外不敢盡收嘉靖十一年勅副總兵何卿來節制諸軍相機勦討烏都等十一寨皆次第平而諸軍門

送款者日至吳卿家視松州諸所繕緝百廢俱興藩籬以固兵威亦震百蠻喘息不敢動垂五十年來生齒日繁復萌戎心時出殺人剽掠行旅萬曆八年兵使者楊一桂是以有三寨之役又雪山國師喇嘛等四十八寨勾虜為患邊氓岌岌十四年都御史徐元春是以有會勦之役及丙申九月秋高虜突由寒盼黃勝草場分道馳入圍漳臘守備張良賢率兵破之斬首六級又攻鎮虜百戶杜世仁死戰斬首四級城得保全世仁死焉又攻制虜臺前後斬首十一級虜遁去良賢追至思得弄又大破之斬首十六級虜乃失利去初虜之入也襲我

無備偵者不知其數及遁去巡視營壘不上五千餘灶未幾有番婦逃回言所斬虜級中有大落赤之姪小王子在焉虜以此必欲執讐故黃之松潘重在番今之松潘重在虜矣

四夷攻曰松潘西至流沙關相近天空西南達紅上坡生虜多係北虜出沒地勢遼絕非可限域惟是南道通疊茂威淮東通小河龍安北通漳臘墩臺守禦凡八十七所戍守主客官軍舍餘遊兵一萬一千六百八十餘人歲額坐邊倉一十六處糧九萬九千三百八十餘石兩增設之處不與焉

東路經略志云松潘以東望山關雷攔關風洞關松林堡紅崖關三舍堡鎮遠堡小關子堡松子堡三路堡師家堡四望堡凡十二處抵小河千戶所四崖絕壁一線之通附近水牛毛公年洞諸番未甚驚獮今以三舍關為始第其里次。三舍者去衛城九十里而遙也為小河適中地有把守指揮一員管轄上至望山下至四望共十三關堡羊腸鳥徑峭壁危喘嶮巖萬狀番夷往往潛伏而窺伺焉三舍上十里為伏羗堡伏羗上十里為紅崖關紅崖上十五里為松林堡志云黑松林關在治東七十里松林上九里為風洞關志云風洞關在治東

五十里洞深不可測多惡風午輒大作作則灰沙蔽天人馬皆辟易寒氣襲人觸之多橫死否亦喘息旬日蓋山嵐鬱蒸之氣所發也關北鹽井墩即古鹽川廢縣風洞上五里為雪攔關志云治東三十里雪攔山四時積雪不消俗呼為寶頂山關在山下雪攔上十二里為望山關關上八里即松州也三舍下十里為鎮遠堡鎮遠下八里為小關堡志云小關子在治東百二十里小關下八里為松堙堡松堙七里為三路堡三路下八里為師家堡師家下八里為四望堡又二里為小河所矣南路經略志云松潘以南紅花屯熊橫屯西寧關小屯

堡安化關鎮華堡新塘關艾蒿堡歸化關北定關蒲江
關平夷堡金平堡鎮夷堡鎮番堡靖夷堡平定堡凡十
有七處抵查溪界

四夷攷曰南路自西寧關起以至平定堡河東大姓屬
牛毛土官管轄河西小姓屬羊毛土官管轄即志所謂
牛腦羊腦也不服官帶不受約束喜則同部落席地歡
飲怒則持刃彼此相擊尊卑之序蕩然矣萬曆初年河
東頗肆憑陵十四年征之搗其巢穴斬首二千餘級焚
碉房二千餘始傾心向化埋奴誓願認守地方迄今不
敢犯河西時有長江之阻逆我文告其時亦震讐移道

深菁隔岸羅拜乞降許之有國師喇嘛灣仲者潛獻皮
幣於土韃乞師伏於鐵爐溝以牽制我乘便要擊事覺
就擒其謀始破而膽落也

歸化關志云在司南百里寰宇記霸州有歸化縣置在
移村各有部落主持無征科今雖設故處而關名實因
之地形險要上至西寧下至鎮江關堡凡九把守指揮
一員以龍溪等寨大小橫梁為諸番所出沒也歸化上
七里為龍韜堡龍韜上十里為新鎮關新鎮上十里為
百勝堡百勝上五里為安化關安化上七里為雲屯堡
雲屯上八里為西寧關志云在治南三十里西寧上八

里為雄溪屯則南路之首也鐵爐溝諸夷在其界矣
歸化下十二里為北定關志云北定關有祠祀二邊史
劉方五將正德六年番僧雲欄王出謀為不軌守將指
揮邊輔史寬百戶劉賢方捷櫻鋒死戰輔寬遇害於黃
土坡賢捷被執至寨縛柱將剖其心二將罵不絕口而
亡事聞與子孫進一級承襲輔弟輪承兄職嘉靖七年
巡南路至北定關遇橫梁茹兒等番輪率其僕邊永興
軍餘史卜啞等數人與戰已取勝值天雨溪泛諸番四
集輪被傷永興負輪行數十步至崖不能進執刀亂揮
知不可支乃伏於輪身主僕俱被害事聞贈輪都指揮

僉事永興百戶史卜啞等俱厚賚優卹焉北定下十有
一里為鎮江關別拓大小耳別等寨在其界內寰宇記
云歸化縣有大聾山小聾山在霸州西北一十里號符
堅城又云於小聾山上村置牙利縣即大小耳之故
迹也鎮江下四里為平番堡平番下八里為平夷堡其
地寬平僅容千騎為四十八寨飲盟軟血之地即黃沙壩
矣萬歷十四年建城堡設守備一員把總練官兵一員
管轄自西亭關至平定堡焉鎮平關上七里為金瓶堡
金瓶上六里為平夷堡鎮平下七里為鎮番堡鎮番下
八里為靖夷堡夷下八里即平定堡也平定下八里為

永鎮堡係松茂二鎮交界處鎮平堡則指揮一員守之

北路經略志云松潘以北穀東屯高屯子羊裕屯唐舍屯譚廓屯漳臘屯以上凡七堡抵吐蕃洮河界

四夷攷云漳臘堡設在河東去城三十八里松州之背也舊制駐劄守備一員管轄上下關堡為寒暑口上中潘州上下羊洞等隘口自漳臘北去遼廓幽遠一望無際蓋萬騎可從容矣近改設遊擊一員以鎮壓之良審所重也漳臘上十五里為鎮虜堡在河東元山子上志云堡在漳臘東北十里堡後天險墩堡前觀化墩河東

於襄臺河西制虜臺聲勢相望然直北為敵貢壩舊掘品字賺坑數百中置鋒刃木簽口覆芭土以掩其形又北去三里曰城牆岩東臨河畔西抵山麓掘塚寬深丈許橫截六百餘丈明繼後路河西川貯溝塚塹之制亦如之越溝二十里登阿王嶺之巔可瞰黃勝草場志云黃勝在漳臘西南十里也塲之東有阿王口凡二十里透嶺出川貯則可南可北惟所馳驅議者於天險觀化二墩充拓寬廣石砌墻垣一周外掘塚塹以防衝突亦庶幾搯其吭云鎮虜堡上二十里之柏木橋即界外矣漳臘下七里為虹橋關係松城北隘志云松州北二十

里有落虹橋長二十丈餉道所必經也虹橋下七里為
 譚廓^廓屯譚廓^廓下七里為塘舍屯塘舍下六里為羊裕屯
 羊裕下六里即松城又虹橋下八里為高屯子高屯下
 七里為穀栗屯穀松下十里亦即松城也離松十四里
 為流沙關乃北虜經由地無秋防必加意焉松城下五
 里為紅花屯紅花下七里為雄溪屯雄溪左十三里為
 東勝堡歲熟番受賞可稱無事唯是虹橋西北十五里
 為絕塞墩北界黃山尖殺鹿塘黃勝草場等處路通洮
 岷先年陳懷率兵由此道入解松圍今為番虜間阻以
 其往來射獵於斯也下潘州白利等番挾牛羊羶毳來

或由阿王嶺或由鐵門墩出抵寒昉祈命諸寨貿易茶
 斤歲以為常稍失防範釁端輒起且阻絕長溝救援難
 及形勢孤懸所最當籌度議者於墩前石砌聯城一座
 直抵河下以通水道又依山掘壕絕其乘高則於覆壓
 乎何有

古蹟志云潘州故城在衛北七百五十里漢武帝時逐
 諸羗渡河湟居塞外築此城置護羗校尉以禦之宋時
 分上下中潘三州今阿失寨即上潘州班班族即下潘
 州界二州之間則中潘州也其地愈北山愈平夷舊漳
 臘之設在下潘州

侍郎羅綺漳臘新記云距松衛治之北百里曰漳臘即古潘州也城之故址尚在其下有巖穴空洞幽邃廣可容列騎深亦不知幾許旁有玻璃泉冬夏淵然不涸其土地膏腴山川秀麗蓋自唐盛時所開拓雖隸版圖而土番酋長猶然竊據所謂但羈縻之而已宋元以來無復中國有我朝混一華夏極天極地莫不臣服洪武十一年三師始下潘州入與編氓賦役無殊乃於其地建置屯堡使士卒且耕且守累數十年足食足兵邊人安堵宣德丁未守將失馭比羗蜂起梗我餉道燹我關塞而潘州復為所據者凡二十有八年景泰辛未予奉命

來鎮斯土不揣愚欲平復之乃大集諸酋陳以逆順禍福無不稽顙聽命於是復增置城池樓櫓凡戰守之具視昔有加焉不殫一石之粟不勞一人之力而數千百頃沃饒之地遂復為我有又晏然置城於其間俾兵農雜居累歲豐獲邊人安枕寔朝廷威德所及予何功之與焉或者以潘州之城與唐世籌邊樓相頡頏後先予亦豈敢多讓景泰六年記

曹學佺曰今之漳臘去松州一舍而遙非百里外之漳臘矣前張後弛勢使然也余以庚戌署潘司事料松邊兵食聞韃虜住牧於漳臘城內有百五六十張設駭聽

聞乃檄漳臘遊擊何奮武得回謀云謹按漳臘一鎮五隘九屯一十八墩堡延袤二百餘里襟帶山河襟居夷虜所由來矣前不具論萬曆二十四年大落赤入寇彼時內有守備張良賢救應以截其鋒外有合壩犄角以牽其勢雖虜衆攻圍鎮虜三晝夜而不能破於是掌堡百戶杜世仁也豈異人任而其父子督軍兵數百人乃能射死小王子斬首數十級松漳卒賴以無凡事而合壩遂因之住牧焉續在三十二年廢將李宗望代庖漳臘又有合兒頓奪哨毛兒損等韃接踵投居會治兵使者亦署官也侈然有張伐之意輒撫賞安軟牛馬羊隻布

滿山蹊毛帳羶房星列草地猶肘腋間眠虎豺門鹿內牧犬羊逐之恐釁端自此發也聽之恐禍本無所終也彼其往來漳松之間豈非共我水草利我鹽茶凡倉庫之虛是軍兵之強弱道路之衝要無不盡知萬一生心何以制而禦之惟是高屯堡者在虹橋之內禦寇之下譚廓之要西正適中之要地是乃松鎮以北之藩屏也議設把守一員撥唐順等軍五十名以耀威武而坐搯其吭焉誠為長策矣第當展築屯基寬包隙壩貫路於中不惟容衆且可據險緣由到司覆者得松番者蜀西之門戶漳臘者松潘之咽喉也自土韃合壩合兒頓等住

牧其中糧房堯室以百五六十計犬羊之性馴擾無常
 非我族類其心必異豈非他日之隱憂哉昔者隋唐之
 禍可鑒已但即既來之則安之可以理而諭也方來者
 所當拒可以勢而禁之惟是漳臘之鎮虜堡原設把守
 一員地方遼濶勢本孤懸今且伏戎在內萬一有變聲
 息不相聞何暇左右顧議者以高屯堡要害之處添設
 把守以遏其衝且與漳臘為犄角誠策之善者也該堡
 事務仍令本官兼攝巡視軍兵即在各營抽選亦無所
 糜費矣若夫釐行伍除戎器綢繆未雨有備無患此該
 道將之事也時當事者如議行之

小河千戶所國初洪武十一年與松潘衛同置在衛東
 百九十里宣德四年調成都前衛後所官軍寔治之仍
 隸松潘按小河之地古名涪陽以水出松潘分水嶺入
 涪江也在涪水之陽矣

志云所北二十里師家山一名文山宋時師文二大姓
 居之山麓有文山關又有師家鋪則界於龍州也東有
 獅峯西有象嶺各離一里許有靈泉焉出獅峯下
 經略志云松潘又東為堡七曰蜂崖葉崇馬營水進鎮
 夷乾坤鐵龍乃抵龍安

四夷攷曰小河之下鐵龍之上惟葉崇為要隘有葉崇

把守管轄之東通白馬白毛公西通竹頭野猪白草諸寨上六里為蜂崖堡蜂崖上十里即小河也下四里為馬營堡馬營下七里為水進堡水進下八里為鎮夷堡鎮夷下十里為乾坤堡乾坤下二十里為鐵龍堡有兩山對峙峭壁萬仞二水會流深不可測上為鐵索橋索凡六條各長一十五丈引於河之西岍繫於鐵柱中道板蕩行者戒心焉嘉靖間龍州宣撫薛兆乾作亂斬鉄橋以拒官兵旬日松州米貴如金矣鐵龍下十五里即龍安府云

唐史太宗置松州都督府督羈縻二十五州為踞州貞

觀元年置領縣二江源泇稽 懿州五年置西吉州八年改為懿州領縣二濶涼落吳 麟州五年置西麟州八年去西字領縣七硤州和善歛具硤源王交利恭束陵 雅州五年置西雅州八年去西字領縣三新城三泉石隴 蕪州三年置領縣五都流寧遠臨泉臨河其餘厥調湊殷匭器邇率鍾並諸羗部落遙立之而已

可州四年置西義州八年改為可州里領縣三義城清化靜方 遠州四年置領縣二羅水小部川 秦州三年置西仁州八年改為奉州領縣三奉德思安永慈 巖州五年置西金州八年改為巖州領縣三金池日松

丹巖 諾州五年置領縣三諾川歸德離渭 城州五

年置領縣二常平邠川 彭州三年置洪州七年改為

彭州領縣四洪川歸遠臨津歸正 軌州都督府二年

置領縣四通川王城金源俄徹 盩州四年置西唐州

八年改為盩州領縣四湘水河唐曲嶺祐川 直州五

年置西集州八年改為直州領縣二集川新川 肆州

五年置領縣四歸唐芳蕞鑿水磨山 位州四年置西

鑿州八年改為位州領縣二位豐西使 玉州五年置

領縣二玉山帶河 嶂州四年置領縣四冷平顯川桂

川顯平 祐州四年置領縣二廓川歸定 臺州六年

置西滄州八年改為臺州 橋州六年置 序州十年

置 嵯州潤州十年置右俱貞觀之時招慰黨項羗者

舊屬隴右道改隸松州都督府永徽已後或叛或臣或

置不一今並廢省聊脩古跡而已

唐書吐谷渾西羗名正益州西北去青海二十五里古

析支之地漢西羗之別種也魏晉已降西羗微弱周滅

宕昌鄧至之後黨項始強南雜春桑迷桑等羗北連吐

谷渾其種每姓別自為部落一姓之中復分為一小部

落大者萬餘其小者數千騎不相統一有細封氏費聽

氏往利氏頗超氏野辭氏房當氏米禽氏拓拔氏最為

強族貞觀五年詔遣使開其河曲地為六十州內附者三十萬口有羗酋拓拔赤詞者甚為渾主伏允所暱與之結婚屢抗官軍後與其從子思頭並率服與諸首領歸款列其地為懿嵯麟可等三十二州以松州為都督府羈縻存撫之拜赤詞為西戎州都督賜姓李氏自是從河首積石以來並為中國之境後吐蕃強盛拓拔氏漸為所逼遂請內徙聽移部落於慶州因置靜邊等州以處之故地陷於吐蕃不去者為其役吐蕃謂之弭藥又有黑黨項在赤水之西李靖之擊吐谷渾也渾主伏允奔於黑黨項居以空閒之地及吐谷渾舉國內屬其

黑黨王首領孰善王亦貢方物其雪山黨項姓破丑氏居雪山之下貞觀初亦嘗朝貢又有白狗春桑白蘭等諸羗自龍朔以後並為吐蕃所破而服屬焉

有附國者在蜀郡西北二千餘里即漢之西南夷也嘉良夷即其東部所居種姓自相率領不屬統一隋大業五年附國王遣其弟子宜林率嘉良夷等六十人朝貢嘉良有水澗六七丈附國水澗一百丈並南流以皮為船而濟南有薄線夷風俗亦同西有東女國東北連山綿亘數千里接黨項及諸蕃界其地南北八百里東西千五百里無城柵近山谷傍山險俗好復仇故壘石為巢

居以避患其巢高至十餘丈下至五六丈每一級以木
 隔之基方三四步磔上方二三步狀似浮圖於下級開
 小門從內上通夜必關閉有二萬餘家俗有重罪止於
 罰牛妻其羣母及嫂兒死婦兄亦納其妻好歌舞鼓簧
 吹笛死者無服制置尸於高床上沐浴衣服被以牟甲
 覆以獸皮子孫不哭帶甲舞劍而呼云我父為鬼所取
 我欲報冤殺鬼 其人輕捷便擊劍漆皮為牟甲為

弓長六尺以竹為弦以皮為帽形圓如鉢或戴釁羅衣
 多毛氈全剝牛甲皮為靴項繫鐵錢手貫鐵釧玉與酋
 帥金為首飾胸前懸一金花徑三寸其土高氣候涼多風

少南上宜小麥青樛山出金銀多白雉水有嘉魚長四
 尺而鱗細

東女國者西羗之別種也以西海中復有女國故曰東
 以別之俗以女為王東與茂州黨項接東南與雅州接
 界隔羅女蠻及白狼夷有八十餘城王之所居名康延
 川中有弱水南流亦用牛皮為船以渡戶四萬餘眾女
 王誦為賓就有女官曰高霸平議國事在外官僚並男
 夫為之其王侍女數百人五日一聽政女王死國中多
 飲金錢動至數萬更於王族求令女二人立之大者為
 王次為小王若大王死則小王嗣立或姑死而婦繼立

無篡奪所居皆重起屋王主九重國人至六重王服青色綾裙下領衫其袖委地重婦人輕丈夫文字同於天竺以十一月為正每至正月令巫者膏酒殺詣山中散糟麥於空大咒呼鳥俄時有鳥如鷄飛入巫者懷中因剖其腹視之有一穀來歲必登若有霜雪必多災異其俗因之名為鳥卜隋大業中蜀王秀遣使貢方物而不受唐武德中女王湯傍氏始遣使貢方物自永徽七年至於天寶元載朝貢不絕其後復以男子為王貞元九年其王湯立悉與哥隣國王董卧庭白狗國王羅陀忽逋祖國王弟鄧吉知南水國王姪薛尚悉襲弱水國王董辟和悉董國王湯悉贊清遠國王蘇唐磨吐霸國王董藐蓬各議劍南西川乞內附其哥隣等國皆散居西川弱水國即唐初女國之弱水部落其悉董國在弱水西故亦謂之弱水西悉董王舊皆分隸邊郡祖父例授將軍中郎果毅等官自中原多故皆為吐蕃所役屬其部落大者不過二三千戶各置縣令十數人理之上有絲絮歲輸於吐蕃至是悉與之同盟相率獻款兼貢天寶中國家所賜官詔二十九道以進節度使韋臯處其衆于維霸保等州給以糧種耕牛咸樂生業立悉等數國王自來朝貢見於麟德殿授立悉銀青光祿大夫歸

化吉刺史鄧吉知試太常少卿兼丹州長史薛尚志襄
 試少府少監兼霸州長史董卧庭行至綿州辛^卒贈武德
 州刺史命其子利羅為保寧都督府長史襲歌隣王立
 悉妹乞悉漫頗有才智從其兄來朝封和義郡夫人其
 大首領董外卿等皆授以官俄又授國王兄湯厥銀青
 光祿大夫試大府卿青遠王弟蘇歷顛銀青光祿大夫
 試衛尉卿南國王薛莫庭及湯悉贊董邈蓬女國喝後
 使湯佛庭美王鉢南郎唐并授銀青光祿大夫試大僕
 卿其時西山松州生羗等二萬餘口相繼內附其黏信
 部落主夢葱龍諾部落生辟葱皆授試衛尉卿立悉等

并赴明年元會訖賜以金帛各遣還至八月召韋臯統
 押羗蠻及西山八國使其部落至今猶代襲刺史等官
 然亦潛通吐蕃故謂之兩面羗也

- 威州 保縣 茂州 疊溪 汶川 灌縣

威茂道開府茂州轄威疊茂保諸將領而叅將一員駐
 劄茂州遊擊將軍一員駐劄疊溪寔左右之

威州通志云禹貢西戎即叙今松州茂威保以接於吐
 蕃是也亦謂之西蕃先本羗屬凡百餘種散處河湟

江岷

間其酋發羗唐旄等居析支水西南涼禿髮利鹿孤之
 後也利鹿孤有子曰樊尼初利鹿孤平時樊尼尚幼弟

傳檀嗣位以樊尼為安西將軍後魏神瑞元年傳檀為西秦乞伏熾盤所滅樊尼招集餘眾投沮渠蒙遜以為臨松大守及蒙遜滅樊尼乃率眾西奔濟黃河逾積石居跋布川或邏婆川於羗中建國開地千里樊尼威惠夙著為羗羗所懷皆撫以恩信歸之如市遂改姓為罕勃野以秃髮為國號語訛為之吐蕃其國都城號為邏些城隋開皇中有論贊索者居牂河西唐貞觀中始通中國既而滅吐谷渾盡有其地焉按吐谷渾鮮卑種也沈約宋書曰譙縱亂蜀之歲鮮卑阿豺遣其從子西疆攻吐谷渾勅來泥拓土至龍涸平康元嘉二十七年鮮

卑慮索虜復生遣使上表云若不自固者欲率部曲入龍涸越雋門并求牽車獻鳥丸帽女國金酒器胡王金釧等物太祖賜以牽車者也

唐初貞觀八年吐蕃弄贊奉表求婚不許乃進兵攻破黨項及白蘭諸羗率其眾二十餘萬頓松州西境遣使貢金帛云來迎公主又謂其屬曰若大國不嫁公主與我即當入寇遂進攻松州都督韓威輕騎覘反為所敗邊人大擾太宗遣吏部尚書侯君集牛進達等率步騎五萬以擊之進達先鋒自松州夜襲其營斬千餘級弄贊大懼引兵而退遣使謝罪因復請婚太宗許之弄

贊乃遣其相祿東贊致禮獻金五千金其餘寶玩數百
事儀鳳三年令益州長史李孝逸雋州都督拓王奉等
發劔南山南兵幕以防禦之往劔南兵幕於茂州之西
南築安戎城以壓其境俄有生羗為吐蕃嚮導攻陷其
城遂引兵守之時吐蕃盡收羊同黨項及諸蕃之地東
與涼松茂雋等州相接南至婆羅門西又攻陷龜茲疎
勒四鎮北抵突厥地方萬餘里自漢魏以來西戎之盛
未之有也開元二十四年散騎常侍崔希逸為河西節
度使於涼州鎮守時吐蕃與漢樹柵為界置守捉使詔
以岐州刺史蕭昊為戶部侍郎判涼州事代希逸為河

州節度使鄯州都督杜希望為隴右節度使太僕卿王
昊為益州刺史劔南節度使分道經畧以討吐蕃仍令
毀其分界之碑二十六年四月杜希望率眾攻吐蕃新
城拔之以其城為威武軍發兵一千以鎮之其年七月
希望又從鄯州發兵奪吐蕃河橋於河左築鹽泉城吐
蕃將兵三萬人以拒官軍希望引眾擊破之因於鹽泉
城置鎮西軍時王昊又率劔南兵攻其安戎城先於安
戎城左右築兩城以為攻拒之所頓兵於蓬婆嶺下運
劔南道資糧以守之其年九月吐蕃悉銳以救安戎城
官軍大敗兩城并為賊所陷昊脫身走免將士以下數

萬人及軍糧資仗等並沒於賊吳坐左遷括州刺史以
 華州刺史張宥為益州長史劍南防禦使主客員外郎
 章仇兼瓊為益州司馬防禦副使宥即文吏素無戰攻
 之策兼瓊遂專其戎事俄而瓊入奏盛陳攻取安戎之
 策上甚悅從宥為光祿卿拔瓊知益州長史事代宥節
 度二十八年春兼瓊密與安戎城中吐蕃瞿都局及維
 州別駕董承宴等通謀都局等遂翻城歸款因引官軍
 入城盡殺吐蕃將士使監察御史許寧遠率兵鎮守之
 上聞甚悅中書令李林甫上表曰伏以吐蕃此城正勢
 當衝要憑險自固恃以窺邊積年以來蟻集為患縱有
 百

萬之衆難以施功陛下親紆秘策不興師旅頃令中使
 李思敬曉諭羗族莫不懷思翻然改圖自相謀陷神筭
 運於不測睿略通於未然累載逆誅一朝蕩滅又臣等
 今日奏事陛下從容問臣等田卿等但看四夷不久當
 漸擢喪德言纔降遽聞戎捷則知聖與天合應如響至
 前古以來所未有也請宣示百僚編諸史策手制答曰
 此城儀鳳年中羗引吐蕃遂被困守歲月既久攻伐亦
 多其地險阻非力所制朝廷羣議不合取之朕以小畜
 無知事須處置授以奇計所以行之獲彼戎心歸我城
 守有足為慰也其年十月吐蕃又引衆寇安戎城及維

州章仇兼瓊遣裨將率眾禦之仍發關中彊騎以救援焉時屬凝寒賊久之自引退詔改安戎城為平戎城大歷三年劍南西川亦破吐蕃萬餘眾五年五月徙置安悉拓靜恭五州於山陵要害之地以備吐蕃大歷十一年正月劍南節度使崔寧大破吐蕃故洪等四節度使兼突厥吐渾互變羗黨項等十二餘萬眾斬首萬餘級生擒竭城兵馬使一千三百五十人獻於闕下羊牛及軍資器械不可勝計十二年九月入寇坊州掠黨項牛羊而去十月崔寧破吐蕃望漢城十四年八月命太常少卿韋倫持節使吐蕃統蕃俘五百人歸之十月吐蕃率南蠻

眾二十萬來寇一入茂州過汶川及灌口一入扶文過方維白壩一自黎雅過邛峽關連陷郡邑乃發禁兵四千人及幽州兵五千人同討大破之十二月崔寧復奏於西山破吐蕃十萬斬首八千生擒九百人

德宗之世萬年韋臯為西川節度使城龍溪築西山堡以納降羗臯以雲南蠻眾數十萬與吐蕃和好蕃人入寇必以為前鋒四年臯遣判官崔佐時入南詔蠻說令向化以離吐蕃之助佐時至蠻國咀咩城其王異牟尋忻然接請請絕吐蕃遣使朝貢其年遣東蠻鬼王驃傍苴夢衝苴鳥等相率入朝南蠻自雋州陷沒臣屬吐

蕃絕朝貢者二十餘年至是復通五年臯遣大將王有道簡絕精兵以入蕃界與東蠻放故雋州臺發北谷大破吐蕃青海臘城二節度斬首二千級生擒籠十五人其投崖谷而死者不可勝計貞元八年臯攻吐蕃於維州敗之獲其大將論贊熱獻於京師先是鹽州城為吐蕃所毀塞外無保障九年詔城鹽州策虜且來襲令臯出師牽圍之臯命大將董勛張芬兵出西山靈關破戎和城通鶴軍定廣城踰滴博嶺遂圍維州搏栖鷄攻下羊溪等三縣取劍山屯焚之南道元帥論莽熱來援與戰破其軍拔白崖焚定廣故城凡平柵堡五十餘所

斬首二千八百級乃城鹽州由是西山羗八國酋長皆請入朝十年臯復敗吐蕃克戎和城獨維州不下十六年臯累破吐蕃一萬餘眾於黎州雋州吐蕃遂大搜閱築壘造舟潛謀寇邊臯恚挫之於是吐蕃酋帥兼監臘城等九節度嬰籠官馬定德與其大將八十七人舉部落來降定德有計畧習知兵法及山川地形吐蕃每用兵定德常乘驛計事蕃中諸將稟其成算至是自以扞邊失律懼得罪而歸心焉十七年吐蕃昆明城管磨些蠻千餘人又降贊普以其眾外潰遂北寇靈朔陷麟州德宗遣使至成都府令臯出兵深入西山以紆北顧臯

乃令鎮靜軍兵馬使陳洎等統兵萬人出三奇路城戎軍使崔堯臣兵千人出龍溪石門南路維保二州兵馬使仇冕保霸二州刺史董振等兵二千趨吐蕃繼州城中北路兵馬使邢玘等四千趨吐蕃棲鷄老翁城都將高周王英俊兵二千趨故松州隴東路兵馬使元膺等復分兵八千人出南道雅黎雋路又令鎮南軍使御史大夫韋良金兵一千三百續進雅州經畧使路惟明等兵三千趨吐蕃通祖偏松等城黎州經畧使王有道兵二千人過大渡河深入吐蕃界雋州經畧使陳孝陽兵馬使何大海韋義等及麼些蠻東蠻三部落主苴那時

等兵四千進攻昆明城諾濟城自八月出軍齊入至十月破番兵十六萬拔城七軍鎮五戶三千生擒六千斬首萬餘級遂進攻維州救軍再轉戰千里蕃軍連敗於是寇靈朔之衆引而南下贊普遣論莽熱以內大相兼東境五道節度兵馬都統羣物大使卒雜虜十萬來解維州之圍蜀師萬人據險設伏以待之先出千人挑戰莽熱見我師少恣衆來追發伏掩擊鼓譟雷駭蕃兵自潰虜衆十萬殲夷者半生擒論莽熱獻諸朝進奉檢校司馬中書令南康郡王御製紀功碑褒賜之臯治蜀十三年凡破吐蕃四十八萬斬首五萬餘後自南詔入

寇敗杜元穎而郭劍代之病不能事事文宗太和四年以李德裕檢校兵部尚書成都及劍南西川節度副大使知節度事管內觀察處置西山八國雲南招撫等使德裕乃大葺關防繕完兵守又遣人入南詔求其所俘工匠得僧道工巧四千餘人歸成都扶殘奮懦皆有條次成都既南失姚協西亡松維由清溪下沫水而左盡為蠻有始韋臯招徠南詔復雋州傾幣以結蠻好教之戰陣文法裕以臯破戎資盜養成癰疽第未決耳至元穎時遇隙而發故長驅深入跋剔千里蕩無子遺今瘡痍尚新非痛矯革不能刷一方恥乃創籌邊樓按南道

山川險易與蠻相出入者圖之左與吐蕃密邇者圖之右其部落衆寡饋運遠近曲折咸具乃召習邊事者與之指畫商訂凡虜之情偽盡知之又料擇伏庫舊僚與州兵之任戰者發遣獍耄十三士無敢怨又請甲人於安定弓人於河中弩人於淅西由是蜀之器械皆犀銳率戶二百取一人使習戰勿貸事緩則農急則戰謂之雄遣子弟其精兵曰南燕保義保蕙兩河幕義左右連弩騎士曰飛星鷲擊奇鋒流電霆擊突騎總十一軍築伏羲城以制大渡清溪關之阻作禦侮城以控榮經犄角之勢作柔遠城以扼西山吐蕃復邛峽關徙雋州治

治臺墩以奪蠻險要簡去屬兵羸弱者四十餘人復募少壯得千人募北兵得千五百人與土兵恭居轉相訓習日益精練初蜀人多鬻女為人妾德裕為著料約凡十三而上執三年勞下者五歲及期則歸之父母以繁生齒威惠大振太和五年吐蕃維州將悉怛謀以城降維距成都四五百里因山為固東北由索叢嶺而下三百里地無險走長川不三千里直吐蕃之牙異時戍之以制虜入者也其地南界江陽岷山連嶺而西不知其極北望隴山積雪如玉東望成都若在井底一面孤峰三面臨江是西蜀控吐蕃之要也至德後河隴陷蕃唯

此州尚存吐蕃利其險要將婦人嫁與此州閭者二十
年後婦人生二子成長及蕃兵攻城二子內應其州遂
陷吐蕃得之號曰無憂城貞元中韋臯鎮蜀經畧西山
八國萬計取之不獲至是悉怛謀遣人送款德裕疑其
詐遣人送錦袍金帶與之託言候取進止悉怛謀乃盡
率郡人歸成都德裕乃發兵鎮守聞之於朝時牛僧孺
沮議言吐蕃之境四面各萬里失一維州未能損其勢
比來修好約罷戍兵中國禦戎守信為上彼若來責曰
何事失信養馬蔚茹川上平涼州坂萬騎綴回中怒氣
直辭不三日至咸陽橋此時西南數千里外得百維州何

所用之徒棄誠信有害無利此匠夫所不為况天下予
上以為然詔德裕以其城及悉怛謀等悉歸之吐蕃僂
之於境上極其慘酷德裕終身以為恨會監軍使王踐
言入朝盛言悉怛謀死拒遠人向化意帝亦悔之武宗
朝召僧孺出為淮南節度德裕面奏曰臣在先朝出鎮
西蜀其時吐蕃維州首領悉怛謀雖為雜虜久樂皇風
將彼堅城降臣本道臣尋差兵馬入據其城飛章以聞
先帝驚嘆其時與臣不足者望風嫉臣遽獻疑言上周
宸聽以為與吐蕃盟約不可背之必恐將此為辭侵犯
郊境詔臣還却此城兼執送悉怛謀等令彼自戮復降

中使迫促送還昔白起殺降終於杜郵致禍陳湯見徙
是為郅支報仇感歎前事愧心終日今者幸逢英主忝
備台司輒敢追論伏希省察且維州據高山絕頂三面
臨江在戎虜平川之衝是漢地入兵之路初河隴盡沒
此州獨存吐蕃潛將婦人嫁與此州門子二十年後兩
男子長成竊開壘門引兵夜入因茲陷沒號曰無憂因
併力於西邊遂無虞於南路憑陵近甸宵旰累朝貞元
中韋臯欲經略河湟須以此城為始盡銳萬旅急攻累
年吐蕃^愛惜既甚遂遣舅論莽熱來援雉堞高峻臨冲
難及於層霄鳥徑曲盤猛士多縻於礪石莫辰公翰之

巧空擒彼將而還及南蠻負恩掃地驅劫臣初到西蜀
衆心未安外揚國威中輯邊備其維州執臣信令乃送
款與臣臣告以須俟奏聞所冀探其情偽其志怛謀尋
率一城之兵衆并州印甲仗塞途相繼空壁歸臣臣即
大出牙兵受其降禮南蠻在列莫敢仰視况西山八國
隔在此州北帶使各都成虛語諸羗久苦蕃中征役願
作大國王人自雍州降後皆云但得臣信牒帽子便相
率內屬其蕃界合水棲鷄等城既失險扼自須抽歸可
減八處鎮兵坐守千里舊地臣見莫大之利乃為恢復
之基經具奏聞請以酬賞臣自與錦袍金帶顯侯詔書

且吐蕃維州未降以前一年猶圍魯州以此言之豈守
盟約況臣未嘗用兵攻取彼自感化來降又沮議之人
不知事寔犬戎遲鈍土曠人稀每欲乘秋犯邊皆須數
歲就食臣得維州踰月未有一使入疆自此之後方應
破膽豈有慮其後怨鼓此游詞臣受降之時指天為誓
寧忍將三百餘人性命棄信偷安累表上陳乞垂矜赦
荅詔嚴切竟今執還加以體被桎梏昇於竹菴及將就
路冤叫呼天將吏對無無不流涕其部送者便遭蕃師
譏誚曰既以降彼何須送來乃却將此降人戮於漢界
之上恣行殘害用固攜離乃至擲其嬰孩承以搶梁臣

聞楚靈誘殺蠻子春秋明訊周文外送鄧叔簡冊深鄙
 况乎大國負此異類絕忠款之路快克虐之情從古以
 來未有此事臣寔痛恚怛謀舉城受酷由此臣陷此無辜
 乞慰忠魂特加褒贈帝意傷之尋詔贈恚怛謀右衛將
 軍

初贊皇作西南備邊錄其序畧云吐蕃開釁河隴失險
 締從南詔協以謀我并絡坤維我圍孔棘守臣韋臯鑿
 清溪道要結蠻好倚鹿效順乃纂集事狀為卷十七質
 幣結鞞闔戶誨盜爰命德裕改紀其政乃建籌邊樓立雄
 邊子弟作伏羲禦侮柔遠三城以扼虜衝猶慮敵去而

備弛也凡兵將糧械之數城鎮種落之名歲計經用之
 目講求利病輯為一書諸郡虛寔外夷情狀條分縷析
 燦如指掌初立碑壘咸以朱書塗之仍總繪小圖標之
 首卷焉按備邊錄第四卷叙維州本末尤詳唐末吐蕃
 衰弱種類分散入內屬者謂之熟戶餘謂之生戶薄示
 示羈縻而已宋時朝貢不絕其首領喃廝羅始居鄯州
 後徙青塘即青塘崩也青羗所居矣宋史吐蕃青羗首
 領奴兒結等為邊害十餘年制置使留正以計禽殺之
 盡殲其黨趙汝愚代為制置使奴兒結弟三開開復叛汝
 愚縣重賞以間羣蠻三開不能孤立憂死汝愚以定青

羌加功秩即此種元憲宗始於河州置吐蕃宣慰司都元帥府云

保縣志云出縣循南岸行一日又北渡大江至雜谷安撫司可八十里又十里為無憂城故址尚存按雜谷即古維州唐太和中陷於吐蕃其酋即悉坦謀種矣

國初有阿漂者以扞虜功授敕印為雜谷安撫同知歲輸薄糧於維州蕃倉三年一貢其地有上碛下碛去無憂城百里去縣倍之前臨沱水後接高山東倚三姐西接孟董南抵達思北抵東布又東至八稜碛與韃虜密通歲終發番兵萬餘防糧械入碛防守至次年除夕更

班保邊敕亭以雜谷為之保障也達思蠻長官金川禪師及打喇兒草坡六寺龍山以西諸寨以隸焉

達思蠻長官司在雜谷西五十里其先嚴泰與阿漂同功給印信授為長官

寰宇記云隋開皇六年以石門鎮追白狗羌故於金川鎮置金川縣唐武德七年以屬維州貞觀初廢三年復置按金川寺其故處也寺僧巴索監藏及莽葛刺以有戒行得稱蕃都綱永樂初黃毛韃犯界金川僧招麻喇防禦有功事聞賜號演化禪師及勅命銀印俾其徒世守焉地居雜谷安撫之東管十五寨東北至八稜碛西至

保縣南至稜城百五十里後漸衰弱見駐於雜谷遷其族於董卜界上志云教場是金川地寺未詳

打喇兒寨土舍居威南路在文鎮河西先曾糾黑虎夷為邊害正德間歸順奏准納貢頒賜勅書冠帶無印信遇貢赴雜谷起文又有只臺塞蕃

保志云西北生蕃有孟董十八寨三國孟獲董卜之裔也謂之孟董蕃亦名董卜韓胡唐時哥隣君董卧庭等求內附處其眾於維霸等州居小鐵圍山去縣可七八日程東抵雜谷八稜碛模坡河在東如卜河在北即古之孫水也南流雅州以牛皮為船既渡則曝皮於岸上

候乾復用焉永樂八年歸附進貢授宣慰使司都指揮同知貢道有三一由雜谷八稜碛出保縣一由清溪口出崇慶州一由靈關出雅州近與雜谷不睦故由直雅安

又曰松茂威疊大勢如一身然松潘首也疊溪項與喉也茂州腹也東之土門西之威與汶保其手足也然餘皆在江內惟保獨居注外縣以東為舊蕃即箭上里之編戶叛去者地土相連樵采共路懷異志而漏華情莫此若矣又云縣北熟蕃二股一路為水田星上龍山等寨向背不常一路為近縣玉山十二寨稍稍易馴正北

野番有梁荒稜城五十餘寨直連松州黑水號為野營國初御史大夫丁玉用色銀鑄錠以誘之即此夷也

維州志云白狗嶺與大雪山連後有白狗羗居之寰宇記曰白狗國者西羗之別名與會州連接勝兵一千唐

武德六年有使朝貢開元二十九年十月白狗國四品籠官蘇唐封及狗冉川五品籠官薛阿封等至京各賜

金紫玉帛以遣之貞元九年七月其王陀羅忽與女國等請劍南西川節度使章韋臯內附詔授試太常卿兼

保州司馬至今子孫承襲其爵云按白狗國女國俱在西山八國之數韋臯使御兼節制西山八國即此也

四夷攷曰維州路生蕃最多有各色可攷者曰孟董梁黃梭城月上星上龍山龍溪大寺小寺等寨設一關六

堡以戍之關曰鎮夷堡曰保縣曰新安曰乾溪曰西平曰壩川曰坡底而坡底附近龍山竹打大寺小寺蒲宅

太子憤等寨而龍山最强舊有龍山戍有城唐書廣德元年吐蕃陷維州籠山城是也

壩州堡附近龍溪卜南木上諸寨與此路黑苦三姐生番相通每歲耕獲既有蓋藏輒以礪兵劫奪為事按即

保壩蠻也方輿云威州保壩蠻者唐保霸二州天寶中所置後陷沒酋董氏世有其地與威州相錯因羈縻焉

天下郡國利病書 卷之七 四川

嘉祐熙寧中常請朝命政和初知成都龐恭孫建言開拓置官吏乃以保州地為祺州霸州地為亨州拔其酋刺史團練使按宋史董氏世知保州太平興國六年保州刺史董竒死以其子詔重繼之又云董仲元者襲職二十餘年安靜無事嘉祐中益州鈐轄司表其善撫蠻夷乃真命為刺史其時有鷓州亦遣人貢馬鷓州未詳疑即古定廣縣今之金川寺故史謂西南邊地有鷓州保州矣

四夷風俗記云維州諸番日務射獵夜宿碉房炙羊膀以下吉凶分善惡以為黑白以戰死為善終以相殺為

厮打父子兄弟大則讐殺轉眼相背不知骨肉有大小姓猶言大小族也董卜金川俱屬小族雜谷達思俱屬大族志云其生一產雙子乳右者為小又云射旄牛者為大射綿羊者為小二姓相間而居丁大夫玉克復其地始分之蓋使犬牙相制云且歲時不用官歷知歲時者為端公如辰年則畫十二龍或卧或行因形而推之他像亦然番僧依佛經推算日月蝕及甲子建除毫厘不差大率以十月為一歲嫁娶富者以猪羊毛羶布足粟麥為禮其賠裝資必須生子之日數人俟子路口其女潛出要至其家方焚香宰牛羊會親人死則

坐尸於水架上置之倉舍衣帽弓矢俱如生佩服端公
咒經獻以猪羊用火燒之 男子剪髮止留其頂髮下
垂服用竹力麻不穿褲不洗面婦人俱編髮如綉飾以
海巴碑磔

茂州華陽國志冉龍國漢時作以東北君長十數冉龍
最大武帝元鼎六年所開以為汶山郡至宣帝地節三
年夷人以立郡賦重帝乃省并蜀郡為北部都尉其山
有六夷七羗九氏各有部落其王侯頗知文書後漢靈
帝時復分蜀郡北部為汶山郡蜀建興十年汶山平康
夷反姜維討之始服寰宇記曰石室冉駝夷人所造者

十數丈山巖之間往往有之

宋史茂州羗蠻地方數千里舊領羈九州皆蠻族蠻自
推一人為州將常在茂州受處分舊州無城惟植鹿角
蠻以昏夜入州掠人畜貨賣遣州將往贖之習以為常
宋神宗熙寧八年范百常知茂州民請築城既而蠻酋
訴稱城侵其地乞罷築百常不許九年三月始興工靜
蠻數百奄至百常率州兵擊斬數人蠻乃退百常遷民
入牙城明日蠻數千人四面焚鹿角及廬舍引梯衝攻
牙城矢石雨下百常悉眾乘城拒守二酋長為木備所
殺蠻兵乃却茂州南有雞宗關通永康軍北有瀧東道

通綿州皆為蠻所據百常募人間道詣成都又書木牌
數百投江中告急蜀蠻兵救之蠻始解圍誓和自是蠻
人稍定百常亦以築城生患坐奪一官既而生羗合羣
蠻復至相距七十日詔遣內押班王中正將陝西兵來
援入恭州宕州誅殺頗衆蠻遂降政和五年有直州將
郢永壽陽延俊董承有等各以地內屬詔以永壽地建
壽寧軍延俊承有地置延寧軍然與亨祺二州皆非扼
控之所未幾皆廢

一統志云國朝設茂州以統羗民設茂州衛以統軍伍
軍居城內民居城外羗凡和誓輸牛羊棘耒耜各一乃

縛劍門於誓場酋豪皆集引於劍門下過刺牛羊豕血
軟飲之掘地為坎縛羗婢坎中加耒耜及刺於上投石
擊婢以上埋之巫師詛云有違誓當如此婢

土夷攷云茂州東路生番白草最强大而白草又與松
潘黃毛韃虜相通桃紅青片板舍次之白苦水磨岐山
又次之有把守官轄桃坪神溪夾山等凡七關堡

桃坪者去白草青片諸番不四五十里志謂古桃關也
見水經注關當通西城之路北當風穴一二里間晝夜
沙石飛揚不息寰宇記云古桃關在汶南八蠻界公私
之路俱從於此有繩橋渡江認守桃坪者為隴木司

隴木頭長官司茂之隴木里也國初以酋長歸附授受直即世襲長官城常貢馬二匹所屬玉亭神溪十二寨俱為編氓有保長統之

又有靜州長官司茂之靜州里也襲官貢馬與隴木同正德間與岳希蓬節孝為亂攻茂城斷水道七日節貴弟車力潛引水以活我軍事平使車平襲職管法虎挾桃溝八寨編戶為氓有保長統之認守北定門至關子堡按靜州即唐之悉唐 宋史曰塗靜當真時飛宕恭等九州蠻皆羈縻州也環茂州而居州不過數十里而已按唐茂州都督府羈縻州九靜州其一已見前矣維

翼二州後改為正州即今疊溪所也第其名與宋史不同附載之以俟攷焉 塗州唐武德元年臨塗羗歸附

置領臨塗端源婆覽三縣貞觀元年州縣俱省三年又分茂州之端源茂置塗州縣有端源臨塗悉隣三縣與州同置 炎州貞觀五年生羗歸附置西封州八年改為炎州縣有大封慕仙義川 徹州唐貞觀五年西羗首領董州貞歸化置縣有文徹俄耳文進 向州唐貞觀五年生羗歸化置縣有俱左向二 冉州本徽外歛

才羗地貞觀六年置西冉州九年去西字縣有冉山磨山玉溪金水 穹州貞觀五年歸附置西博州八生羗

年改為穹州縣有小川徹當壁川當博恭耳 萍州貞
 觀七年白狗羗降附置西恭州八年改為萍州縣有遂
 都亭勸北思 恭州開元二十四年分靜州廣平縣置
 恭州仍置博恭烈山二縣天寶元年改為恭化郡乾元
 元年復為恭州本屬隴右道後割屬劍南道其屬縣有
 和集博恭烈山

土夷攷曰茂州南路生蕃惟曲山三寨界在西南兩路
 之間稱強惡餘皆熟蕃有把守官轄雁門文鎮七星宗
 渠四間堡河以外則屬岳希蓬也

岳希蓬長官司國初歸附賜襲長官三年貢馬二疋正

德間長官坤卜作亂伏誅使其弟坤元襲職管波西水
 西渴渴勒都等七寨隸茂州衛當差編戶於州水西里
 有保長統之認守勒都龍嘴等地方

土夷攷曰茂州北路有長亭安撫司其先歷曰寨首也
 國初歸附屢有從征功賜勅印世為安撫司月俸四石
 三年一貢久未襲官使土舍護印而已姓蘇氏管鑿溪
 章貢等六寨有把守官轄長亭寔大韓胡椒園松溪等
 八關堡 長亭堡寔大關附近巴豬五族及大小歷日

稱最強悍 韓胡堡附近却恰列寺韓胡碣水磨溝等
 寨而恰列寺皆番僧也原給有勅書三年一貢 椒園堡

附近後溝烏都及河東之法虎挿共六寨俱靜州屬羗也往來茂地貿易與居民伍松溪堡附近黑苦七族番衆二千有奇嘉靖間攻圍堡城絕我餉道要我重賂乃解至今尚歲費撫賞四百金有奇經略志云正德十三年巡撫都御史宋史滄克平壩底白草諸寨諸夷獻侵地二千餘頃又克平茂州鷄公寨十五年長寧等處深淺諸寨番蠻聲言復讐求索賞需兵備副使朱紘督同叅將遊擊將軍提兵搗巢擒其首惡餘黨俱以次降年例賞需盡行裁革至今西陲安靖諸蠻不復弄兵開邊隙矣

予分守川西詢諸有司議戍軍曰夫戍軍之設蓋謂邊地空虚人烟稀少故令漢彭雙溫等處抽軍丁充戍其法誠為至善然歲久月易其中有當調停者何也戍軍每年九月撥發十月到邊往往非死則病非病則逃毫無寔用試言其故蓋漢彭等處風氣溫和則冬無霜雪而蔬菜俱備茂疊塞垣風沙慘烈雖夏不消冰而百物不產以故戍邊到邊寒暖不合飲食不調多生疾病當有司促迫上道哭別父兄妻子若永訣者至殷寔之戶強壯之丁多有轉展規避惟無告窮民不獲已就列或又闔戶共僱一乞丐無賴之徒以充數比及到邊身無完

衣腹無飽食囊無半粒手無寸鐵奄奄扶杖而行致使
番夷倚山而笑曰戍軍來也病者病死者死邊隘曾不
得借其一臂之力嗟嗟嗟似此景象在安常處順猥云有
餉有兵倘一旦羗夷竊逞而欲其斬將擐旗捷伐用張
得乎是至苦者莫如戍軍至無用者亦莫如戍軍也然
則奚術而可亦惟是裁省抽發召募土著乃為常勝之
兵焉何也茂疊不產五穀不養蚕桑人所為命者惟恃
軍餉耳且如五口之家須順軍二名方得溫飽不然而
應軍一名且見菜色如無軍可應則無生可度動見逃
竄如今之灌郫漢廣往往有茂疊逃民蓋以此也倘以

職言為不謬將戍軍之糧召募土著之民人人有糧人
人可兵不出三年逃避者必回故里地方之集聚日益
衆邊塞之軍兵日益精在乎常無事足以壯國威苟一
旦臨戎則人自為家家自為守可必其用事在內地無
戍軍之苦在邊庭有敢勇之卒竊意羗番雖狡亦無所
用其謀矣職書生也不敢言知兵但此明白易見斷斷
乎其可行者通變宜民是在今日耳隨經移會該道轉
行成都府茂汶保灌等州縣回覆間適余署司篆者得
戍軍之議或因或革非止一次每盈廷不決者蓋由行
月二糧全改半改未得其肯綮也何則月糧者祖軍之

之額不可移動者也行糧專為更番戍守設耳若免其
 戍邊而不動其月糧則人皆樂從矣且衛所得裕差操
 之役軍戶永免津貼之累而所利更廣矣查威茂一帶
 班軍以三十六七等年計之各該一千二百餘名折支
 司府民屯寔米并布花銀共五千五百二十餘兩此其
 大較也合然比松邊例裁去班軍前項銀兩支發該邊
 自行召募每名工食每日給銀二分共募兵七百七十
 名與主軍分認地方差使不得紊亂仍附官兵會計之
 後請發不得別立名色增補是尺藉雖稍虧而邊方得
 寔用也時如議行

疊溪古氏羗地漢為蠶陵縣屬蜀郡晉屬汶山郡後周
 置翼斜郡隋初廢郡以縣屬會川大業初屬汶山郡
 寰宇記唐武德元年復改汶山郡為會川領翼斜翼水
 左封凡三郡其年即以三縣置翼州五代至宋元皆為
 羗人所據不置州縣本朝洪武十一年平羗始置疊溪
 右千戶所隸茂州衛二十五年改守禦軍民千戶所
 其地東西廣六十五里南北袤九十五里東至麓牛山
 五里西至黑水生番六十里南至茂州界三十里北至
 松潘界六十五里

圖經性獷勇悍不習詩書近漸染聲教習尚衣冠遠者

不通漢語衣皮褐喪不棺而火化耐飢寒疊石為磔以居所名本此其土產羆羊毛毳酥油麝香香豬白蜜搗牛馬鷄 其山北有蠶陵東有羆牛南有排柵東北有雲峰各去所城五六里城西三里即涇江也源出柘州與黑水合流入茂州城南有玉津泉焚以鐵瓦接引至城下居人汲之不竭有古積雨臺今為觀在治南有石輪寺沿崖皆佛相志云唐貞觀中李將軍廣所鑄也在治北四里

廢翼州城在治南寰宇記云唐武德元年置取郡南翼水為名六年自左封移州治於翼斜咸亨三年署都督

府移就悉州城內上元二年罷都督移還舊治天寶元年改為臨翼郡乾元元年復為翼州

廢蠶陵縣在治北漢治蚕陵縣屬蜀郡莽改為步昌也寰宇記衛山縣本漢蚕陵縣地注漢書蚕陵古城在翼州翼水縣西有蚕陵山隋改為斜翼縣治七頃城唐貞觀十七年移理於七里溪二十三年以英國公李世績為疊州都督天寶元年改為衛山縣又曰翼水縣亦蠶陵縣地隋初置取縣西南翼河為名按後周之龍水縣隋改翼水水在所治南五十里一出松潘一出黑水翼如也即汶江矣

廢悉州 城在東南四十里唐顯慶三年割左封縣界

內悉唐川因立為悉州領悉唐左封識曰三縣以羈縻

羗人其首領有董係北射任刺史自後射卒以左封縣

令董俱悉凍任刺史兼勅以父死子繼咸亨元年移治

左封載初元年移治匪平州

廢左封縣址同悉州寰宇記云左封縣本屬翼州在當

州東南四十里唐顯慶元年乃以縣治悉州焉

廢歸城縣唐垂拱二年置

廢真州唐天寶五載分臨翼郡之昭德鷄川兩縣置昭

德郡乾元元年改為真州取真符縣為名其一曰真符

縣唐天寶五年分鷄川昭德二縣置真符縣州所治也

其一曰鷄川縣唐先天二年割翼州翼水縣置天寶五

年改屬真州其三曰昭德縣舊識曰縣屬悉州天寶元

年改屬翼州仍改名昭德縣五年改屬真州按通典有

鷄川昭德二縣唐書云開生獠新置即不述年月今茂

州鷄宗關名本此地亦相近

四夷攷曰壘路生番最惡而五巴豬為尤甚牛尾麻搭

楊柳麥兜次之凡四十八寨其地南連黑苦西通黑水

北接松潘頻年虜去漢人多賣入黑水加兵征之即逃

入黑水黑水盡廣饒之地遠近莫知所紀極矣

志云叠溪千戶所領長官司二曰叠溪司在治北一里
曰欝即在治西十五里叠溪郁氏洪武十年以土酋歸
附世其官永樂中頒給印信除流官吏目一員凡三年
貢馬四疋今長官郁孟賢轄河東熟番八寨皆大姓及
馬路小關七族土舍郁從智轄河西小姓六寨此六寨
素島島點地土廣遠牛羊裸麥露積名雖熟番與生番等
耳

欝即長官嘜保萬歷十八年與黑水松坪攻我新橋明
年伏誅先是漢關墩附近勒骨諸小姓屬於欝即至是
改屬郁氏

新堡附近為巴豬大寨衆逾千數其人形如魍魎性喜
點盜雖受歲賞月糧糜耗而已自嘉靖二十三年以來
屢經渡河虜剽我官軍攻掠我城堡稔惡不悛數將貫
盈議者欲於舊關腦搭橋進兵及馬路堡後長寧沙壩
潛師遠其後上下夾攻可大創也

永鎮堡附近為牛尾寨萬歷八年十二月與麻塔濟惡
頗肆殺掠十四年征之逃入黑水獻出番牌投降埋奴
為誓乃免

太平堡附近為楊柳溝河西強種也與松潘之大小耳
別同枝向稱滑梗萬歷十四年從之不服後四年乃糾

松坪白泥黑水三千餘畝同陷新橋十九年復大征亦
埋奴求免

西邊志云灌縣獠澤關景泰七年立去董卜韓胡可千
里番民至關市易唯大黃茶藥而已去關七十里為惹
龍關加渴瓦之地也

加渴瓦寺亦董卜韓胡支派正統間調征草坡宣慰司
遣僧鎖南列思巴來赴賜號崇教翊善國師給勅印使
分管摩多集塔藏裏舊寺等十三寨都綱麻喇者成化
間孟董梁黃之亂調發協征遂就汶川塗裏山巔居焉
國師久未承襲以土舍護印而已獠澤等關是其認守

汶路生者惟草坡驚點有三塞在河西山外一徑通董
卜宣慰一徑通孟董梁黃向以假道騷動十八年征之
始震驚輸蓋救於汶川聽約束於寒水矣

寒水土巡檢司高氏其先曰銀兒直隸霸州人洪武七
年授職防守河西住蘇村寨三年貢馬二匹正統七年
草坡攻汶川司印為所劫景泰間重頒授之調征龍溪
卜南諸寨屢立戰功隆慶間草坡復攻破蘇村寨遂移
住河東

龍安府 青川 石泉 安縣

安綿道開府綿州轄龍安青川石泉綿州諸將領守備

天下郡國志卷之七
指揮一人比都指揮體統駐石泉而龍安叅將同城以居

龍州古氐羗地漢曰陰平道註云有夷之地曰道如剛氐道旬氐道之類是也北部都尉治此永平後始稱郡自後或稱江油或稱平武或曰龍州或曰龍門或改靈應郡或改政州時代不同因革亦異宋景定間臨邛人薛嚴以進士來守是州捍衛有功得世襲馬家譜為戰國薛居州之後也國初其裔薛文勝歸附乃授知州時千夫長隴西李仁廣提領官高郵王祥給我餉饋蜀平賜李州同知王州判官宣德中以征松潘功陞州為宣

撫薛氏世宣撫使李為副使王為僉事各統土兵五百分守白馬白草木瓜三縣嘉靖末年薛兆乾謀逆伏誅遂改宣撫司為龍安府割成都之石泉保寧之江油及青川千戶所隸焉降兆乾庶弟襲土知事王氏李氏俱襲土通判列銜分府守如前仍移小河叅將於府城彈壓之附郭平武縣萬曆十九年始設也江油地雖腹裏然寔糧運之咽喉矣

益州記曰江水自白馬嶺迴行二千餘里至龍涸又八十里至西陵縣又百二十里而至北部北部即龍州也白馬嶺即白馬番地隸王通判在府正北三百里北通

階文西抵漳臘其生番號黑人延袤數百里碉房不計
有名色可舉者凡十八寨寨多不過四五百人少可百
人而已設有散牌總牌等名目以約束之番僧番舍諸
號以誘化之法甚密也嘉靖元年白馬跳梁用兵五千
分五路而進一由鐵龍堡一由黃羊關一由三舍堡一
由北雄關一會兵陝西由階文入大創之而喘息聽命
矣

白草番隸李通判在府西南四百里東抵石泉約七十
里西抵南路生番南抵茂州番北抵平武縣境蓋唐吐
番贊普遺種也上下白草凡十八寨部曲素強恃其險

阻往往剽奪為患嘉靖二十五年大征用兵三萬七千
一由龍州一由石泉一由壩底所斬獲甚多事平增雙
溪大魚永平莫邊諸堡革撫賞斷鹽茶予以白旗永塞
入龍之路於是壩底河西風村等十一寨永平河東北
草等十七寨週數百里男女四千餘人相率來降許其
畜髮頂巾送子讀書習學華語歲輸糧蠶為氓編走馬
嶺一帶為十村由平一村以至平十村也射溪溝一帶
為八村自一化村以至八化村也村立一長長即舊番
牌之號又有風村嶺等二十寨尚存舊名亦同時歸順
者事在萬曆十七年

木瓜番隸薛知事在府上游近小河千戶所境土迫促
種類不蕃雖有五寨約男女不上二三百人先是於
薛氏受其歲賞嘉靖二十三年勾引白草番反為之嚮
導事平止許歲至小河領賞不得渡大魚關

貴州千戶所白馬番之後路東抵白水陽平關陝西寧
羗州界西通白馬路轉古城驛而抵龍安南至椒園堡
叢林密箐多盜賊北通青塘嶺直達階文寰宇記曰後
魏之馬盤縣也有馬盤山高三千三百丈其形如馬盤
旋而上隋改馬盤為青川縣圖經云清水出啼胡山濶
五丈東流入利州界其水清美亦云啼胡水矣志作醜

醜蓋美名之圖經曰青川東三百四十里為白水江鄧
艾伐蜀嘗作浮橋於此按華陽國志平武縣有關尉自
景谷百步道徑江油左搭出涪鄧艾伐蜀道也

志云所 十里有大雄山峻極出於雲表即北雄關也
近又設 關墻垣營壘完固堪守稍前為瓦舍壩乃
熟番保保住種地其衆怯弱易馴按廣輿攷有思叢安
撫司設於此矣

石泉北隣土永平西連青岡壩底諸番最稱强悍壩底
守備駐劄縣城 復土堡在縣西北稍南為青岡各相
去十里許介二堡間有青油口路通壩底河東河西白

草青片諸生熟夷隸石泉守備提調 東二十里為永
 平堡設在山崖形勢斗峻控制白草諸番隘口永平西
 三里為莫邊關關南里許為火草坪火州北十五里為
 萬安東二十里為嘉定俱永平把守指揮提調 北四
 十里為壩底其地東抵通寧西連白草南距石泉北通
 青片堡其南十五里為石板關東十五里為石泉堡又
 五里為白印墩壩底把守指揮提調 大印堡設於山
 阜巍然天險亦白草番出沒之要路也堡西二十里為
 郊堆又五里為山茅山茅東一舍為徐塘徐塘北一舍
 為伏羗伏羗北兩舍為大方關關與大印相首尾矣故

屬大印把守指揮提調

安縣東至涪城西極綿竹南通羅江北達石泉境內雖
 無夷族然而迫隣睢水曲山疊溪諸關堡則天池大壩
 白草青片等寨亦其接壤也曲山關介在當縣石泉平
 武三路睢水關為當縣綿州適中之地面山負水平衍
 沃饒關西一舍名綿堰堡綿水發源於此關東一舍名疊
 溪堡乃白草番後路形勢孤懸安綿倚為保障設有官
 軍鄉勇屬睢水關把守提調

郡國利病書卷六十七

終

郡國利病書
卷六十七
五

程